

WANTOK

NIUSPEPA BILONG OL PAPUA NIUGINI STRET

32 pes

Mosbi — 25 toea

Namba 706 b 14 - 21 Januери, 1988

Arapela provins — 30 toea

Sir John Guise i no bilip long Madang kibung

SIAMAN bilong Kopra Maketing Bot Sir John Guise i tokaut pinis olsem em i bin mekim rait pasin taim em i no go long bung bilong ol welpam na kokonas groa long Madang long Mande 11 Januери.

Sir John i tok olsem Kopra Maketing Bot i stap aninit long han bilong nesenel gamvan olsem na em i mas bihainim ol tingting bilong gavman.

Em i tok "Mi no inap yusim opis bilong mi long helpm wanpela politikal lida o wanpela pati long egensim tingting bilong gavman."

Em i tok tu olsem dispela bung long Madang i no inap helpim ol welpam na ol kokonas groa long kantri bikos em i no inap apim pe bilong kopra na welpam.

Sir John i tok olsem em bai go het yet long wok bilong em long helpim ol liklik groa long ples. Em i no inap long bikmaus long ol niuspepa na long redio long kisim dispela helpim. Em bai go stret long husat ministra o gavman i stap na kisim helpim long ol.

Ol kokonas na welpam groa kros long mani

WANPELA bikpela bung bilong ol welpam na ol kokonas groas wantaim sampela bikman bilong ol provinsal gavman na long nesenel Palamen i singaut pinis long nesenel gavman long yusim mani bilong Stabex Fan long helpim ol kopra na welpam groa na i no long yusim long mekim ol arapela wok.

Stabex Fan em i K46 milien Yuropien Ekonomik Komyunti (EEC) i givim long gavman bilong Papua Niugini long helpim wok egrikalsa long kantri. Tasol ol toktok kros i kamap nau i tok olsem gavman i no yusim dispela mani long helpim egrikalsa. Ol i yusim dispela mani long ol arapela samting.

Dispela mani gavman i bin kisim long putim long Stebilaisesen fan bilong ol bisnis olsem welpam, kopra, kakao na kopi. Long taim pe bilong ol dispela samting i no gutpela tumas gavman bai yusim dispela mani long baim ol groa.

Long taim prais bilong kopra, kakao na kopra i go antap gavman i save rausim sampela mani bilong

ol groa na putim long stebilaisesen fan. Primia bilong Madang Mista Andrew Ariako yet i bin singautim dispela bung na moa long 500 groa i bin stap long dispela bung.

Ol kokonas na welpam groa long Mamose, Niugini Ailans na sampela hap bilong Papua wantaim ol provinsal gavman memba bilong ol kamap long dispela bung tu. Ol lain dispela bung i tokaut olsem ol i no bin amamas long wanem siaman bilong Kopra Industri Bot Sir John Guise na wanpela ministra i no kam long bung.

Planti bikman bilong Oposisen long nesenel gavman i bin kamap long dispela bung tu. Oposisen mausman bilong egrikalsa Ben Sabumei i tokim dispela bung olsem sapos lain bilong em i teko va long gavman long mun Epril bai ol i kisim ol mani bilong Stabex Fan i kam bek long helpim ol welpam na kokonas groa.

Oposisen lida Michael Somare i tokim bung tu olsem nesenel gavman i bin givim planti helpim long stretim ol kopi na kakao groa long kantri tasol ol i no givim gutpela helpm



• Ol kopra na welpam groa i wari long mani bilong Stabex Fan

ol groa bilong kokonas na welpam. Long dispela taim pe bilong welpam na kopra i go daun olgeta.

Olgeta primia bilong Ailans rijon i bin mekim wanpela askim bipo pinis long Nesenel gavman long yusim ol mani long Stabex fan long helpim ol groa bilong welpam na kokonas. Tasol ol i no save sapos gavman i kisim dispela askim bilong ol yet.

Ol i tok olsem sapos ol arapela wok egrikalsa i no gohet orait gavman i mas kisim mani long ol

arapela hap stretim dispela hevi. Mani long Stabex fan em i bilong welpam na kopra.

Nesenel gavman i tokaut aste (Trinde 13 Januери) olsem ol dispela toktok long bung long Madang i no tru. Mausman bilong ol na Minista bilong Leba na Emploimen Masket Iangalio i tok olsem i luk olsem Oposisen i yusim dispela liklik samting long kirapim bel bilong ol memba na tu ol pipel long egensim gavman bilong Paias Wingti.

Mista Iangalio i

kirap nogut long harim olsem Mista Somare na namba tu bilong em Mista Rabbie Namaliu i bin mekim ol dispela toktok.

Em i tok "Mipela bin autim olgeta samting mipela i tingting long mekim wantaim Stabex Fan long tim mipela i autim baset na bilong wanem tru Oposisen i no egensim mipela."

Mista Iangalio i tok olsem gamvan i gat strongpela tingting tu long helpim ol welpam na ol kokonas groa long kantri.

Insait

- NCDIC i givim skul long ol stua - pes 2
- Pe bilong Kopra i wankain yet - pes 3
- Tait bagarapim Wes Nu Briten rot - pes 5




- I no gat "fri edukesen" - pes 12
- Painim 4-pela spot pes insait

Paradise

BEEF CRACKER

Bisket Igat Tes Bilong Mit.



Yu Tu Bai Laikim!

COLOR USED

PLUS

Ripot



MANUS - Dainamat i bin pairap na kukim wanpela man na em i slip long haus sik. Dispela birua i bin kamap las wik Sande.

Nem bilong man ya em Frank Sungia na em bilong ples Baon long Lou Ailan. dispela man tu i lusim wanpela han bilong em long taim wankain birua i bungim em long Pitilup Ailan. Ol plisman i wok long painimaut moa long dispela birua.

NOT SOLOMONS - Ol plisman i wok long painim yet long tripela gan i bin lus long haus bilong menesa bilong Arawa plentesen.

Menesa i bin go lotu na ol i stilman i bin brukim haus bilong em na stilim ol dispela gan.

NOT SOLOMONS - Wanpela boi i bin dring wara long taim em i go waswas wantaim sampela arapela pikinini long Tupukas Riva. Nem bilong pikinini ya em Collin Pyoan. Em i bilong ples Tolename long Enga provins. Mama bilong em i bin painim bodi bilong em i drip i stap na kisim i go long haus sik. Ol plisman i wok yet log dispela trabel.

KAVIENG - Ol plisman i wok long painimaut moa long indai bilong wanpela yangpela man bihain long wanpela pait i kamap long ples Datawa long Tabar Ailan. Nem bilong man ya em Joseph Lumas na em i gat 19 Krismas. Ol i pait long wanpela diwai em i laik sapim kanu long em. Ol plisman i holim pinis 4-pela man bihain long dispela trabel.

SIMBU - Wanpela man i slip long haus sik bihain long wanpela birua i kamap long rot long ples Baining las wik.

Plis ripot i tok olsem wanpela ka i bin popaia long rot na bamim dispela man ya. Ol plisman i holim draiva bilong dispela ka na i wok long painimaut moa long dispela trabel.

MT HAGEN - Ka i bin bamim wanpela meri klostu long ples Aviamp long Hailans Haiwe. Krismas bilong dispela meri inap long 35 na nem bilong em i Helgamp Kumjin. Em i bilong ples Tunin. Plis ripot i tok olsem meri ya i laik brukim rot na ka i bin bamim em.

PANGUNA - Ol plisman i bin holim wanpela man bihain long sampela man i bin brukim Johnston Kemis na stilim ol samting em pe bilong ol inap long K1,900.

Dispela man i tokim ol plisman olsem em i no bin go wantaim 4-pela arapela na brukim stua. Ol plis i bin kisim bek sampela samting ol man ya i stilim.

MOSBI - Ol stilman i brukim opis bilong Sentral Provinsal gavman na kisim sampela samting. Ol i no inap tokaut namba bilong ol samting ol stilman i kisim. Ol plisman i wok long painimaut moa long dispela trabel.

HOSKINS - Wanpela meri i bin dai bihain long wanpela arapela meri i bin paitim em. Dispela birua i kamap long ples Banaule las wik.

Dispela meri dai em Mary Gali. Gali wantaim ol arapela poroman bilong em i go long maket na arapela meri i bin kam long baksait na kikim em long taim ol i kros.

Bodi bilong dispela meri i stap nau long haus na plisman holim pinis wanpela meri bihain long dispela trabel.

SIMBU - Ol plisman i wok long painimaut moa long wanpela trabel long rot i bin kamap long Watabung las wik Sande.

Plis ripot i tok olsem ol pasindia na draiva tu i bin kisim bikpela bagarap taim ka i tanim.

Wanpela man na pikinini bilong em inap long 2-pela krismas tu i bin kisim bagarap na stap nau long haus sik.

MOSBI - Ol plisman i holim pinis wanpela meri long pait na bagarapim bodi bilong arapela meri. Dispela birua i bin kamap las wik long Waigani.

Tupela olupela kiap go pas long Westen provins gavman

TUPELA olupela kiap i winim pinis sia bilong primia na namba tu primia long Flai Riva Provinsal gavman long Westen provins.

Dispela tupela kiap em primia yet Norbert Makmop na namba tu bilong em Ambros Melaveka.

Mista Makmop i bin namba wan kiap long Ioma Distrik long Noten provins. Em i winim sia olsem memba bilong Sta Maunten Konstituensi. Na long Tunde moning 12 Janueri ol i

makim em primia. Em i winim memba bilong Orimo, Gariga Iakoe long 15 vot. Iakoe i kisim 7-pela vot tasol.

Ambrose Melaveka i winim vot long kamap Ambrose Melaveka i olupela asisten seketeri bilong Provinsal Afeas long Dipatmen bilong Westen Provins. Em i nupela memba bilong Is Gogodala na em i win isi tru bikos i no gat wanpela man i resis egens long em.

Nupela spika bilong Flai Provinsal Asembli em Kaiomen Bokdap. Bokdap em i memba bilong

Ningerum Konstituensi na em i winim memba bilong Wes Gogodala Amula Bibaesi long 15-8.

Flai Provinsal Asembli i makim memba bilong Appa Strickland Dina Gabo olsem namba tu spika.

I gat moa long 300 pipel i bin go insait long pablik galeri bilong provinsal asembli long lukim ol memba i kamapim nupela gavman. Na samting olsem 500 i wet ausait long harim husat tru i win na kamapim gavman.

Nupela primia Makmop i tokim Wantok

olsem em wantaim ol lain memba bilong em i no memba bilong wanpela politikal pati.

Em i tok "Mi no laikim ol kankain pati nogut bai ol i brukim provins. Westen provins i mas kamap wanpela provins tasol."

Em i tok "Mi laik lukim olgeta memba bilong Flai Provinsal Asembli i mas wok bung na bringim developmen i kam insait long provins. Na maski long wok wanpela wanpela."

Mista Makmop i tok em bai mekim liklik senis long wok admin-

istresen bilong Westen Provins.

Em i tok planti ol wok long sait bilong edministresen long provins i no bin kamap gut. Ol bikman i givim baksait na dispela ol samting i slek stret.

Mista Makmop i tok bikpela ol samting em long ol projek. Ol i no save tingting gut long wanem kain ol projek i bikpela na wanem i liklik. Na dispela i save mekim na provins i no save kisim wanpela developmen.

Em i tok wanpela

i go moa long pes 10

NBC bai kisim 11-pela nupela masin

NESENEL Brokast-ing Komisnin (NBC) i baim pinis 11-pela nupela masin bilong salim musik na ol toktok long putim long sampela provinsal redio stesin bilong ol.


Ol dispela nupela masin bai kamap long PNG long pinis bilong mun Februeri na ol bai kisim ples bilong ol lapun masin i stap long ol provins nau.

NBC i baim ol dispela masin long K4.9 milion helpim mani gavman bilong Japan i givim ol.

Siaman biling NBC Mista Kedia Uru i tok olsem Japan i yet i

mekim ol dispela masin na nau ol i mas sekim pastaim ol dispela masin i kam long Papua Niugini. Mista Uru i tok olsem Ekt-ing Dairekta bilong Ensiniarin long NBC, Nera Konerus bai go long Japan log dispela wiken long sekap long ol dispela masin.

Mista Uru i tok olsem ol dispela nupela masin i winim ol lapun masin i stap nau long ol provins. Bai ol putim ol masin ya long Rabaul, Hagen, Lae, Alotau, Wabag, Simbu, Madang, Daru, Sentral, Vanimo na Wewak.



• Tupela brata ya, Kakarere na Hulape Apape pilai PMV insait long woksop bilong papa bilong tupela long Gerehu.

NCDIC givim skul long ol stua i salim kaikai

NESENEL Kapitel Distrik Interim Komisnin (NCDIC) i kirapim wanpela kos nau long skulim ol lain husat i save kukim na salim ol kaikai long ol liklik stua long Mosbi.

As bilong dispela skul em long givim gutpela save long ol dispela lain long kukim gutpela kaikai.

Mosbi em i kamap bikpela moa nau na planti manmeri i no save go long haus bilong ol long kaikai long belo. Ol i save baim kaikai bilong ol long ol liklik stua na ol takaboks klostu long wok ples bilong ol.

Sapos ol dispela liklik stua i no kukim gutpela kaikai bai ol lain husat i baim na kaikaim ol dispela kaikai i ken kisim sik olsem na NCDIC i kirapim dispela spesel skul.

Ol saveman na meri long NCDIC bai skulim ol lain bilong ol liklik stua long

klinim ples bilong wok, long klinim gut ol samting bilong kukim kaikai na tu long klinim gut bodi bilong ol long taim ol i kukim kaikai.

Namba Tu manesa bilong helt long NCDIC Jerry Tuakana i tok olsem bihain long dispela kos planti liklik suta inap long salim gutpela kaikai long ol pablik.

Dispela spesel skul em i namba tri kain skul olsem NCDIC i kirapim. Las yia i bin gat tupela wankain kos. Mista Tuakana i tok em i luksave olsem sampela bilong ol dispela lain husat i bin kamap long kos las yia i wok long salim ol gutpela kaikai long ol stua bilong ol nau.

Narapela as bilong givim skul ya em bikos ol helt inspekta bilong NCDIC save sekap long ol kaikai ol liklik stua na ol arapela lain i save kukim na salim.

Sapos ol dispela lain i no kukim na

salim gutpela kaikai bai ol inap long sanap long ai bilong kot. Mista Tuakana i tok olsem NCDIC i no laik kotim nating ol manmeri. "Mipela i laikim ol i yusim dispela save ol i kisim nau long stretim ol bisnis bilong ol."

Mista Tuakana i tok NCDIC gat wanpela opis bilong harim komplek bilong ol pipel husat i no amamas long ol kaikai ol i save baim long ol stua.

Ol lain opisa bilong NCDIC bai sekap long ol dispela komplek na sapos komplek i tru bai NCDIC i kotim papa bilong stua o rausim laisens bilong em.

I gat namel long 600 na 1000 ples bilong salim ol kaikai long Mosbi. Ol dispela ples i stat long ol liklik stua i go antap long bikpela hotel tu.

Ol 50 pipel i givim nem pinis long kisim skul. NCDIC bai kirapim wankain skul gen bihain long tripela muh.

Pe bilong kopra i no senis

SIAMAN bilong Kopra Maketing Bot, Sir John Guise i tok long Trinde 13 Januери olsem pe bilong kopra long mun Januери i wankain olsem pe long Novemba na Desemba las yia.

Em i tok pe i stap wankain yet bikos prais bilong kopra long wok maket i stap daunbilo yet. Gavman i tok orait long Kopra Bot kisim K2 milion long PNGBC long helpim ol pipel husat i save wokim kopra.

Sir John i tok dispela helpim mani bai mekim ol pipel wok kopra yet, maski

sapos pe bilong kopra i pundaun.

Pe bilong kopra long ol bikpela bris long PNG em olsem

Hot Air K205 wan/ton F.M.S K202 wan/ton Smoke K168 wan/ton

Ol bikpela bris bilong salim kopra em Mosbi, Alotau, Lae, Madang, Wewak, Kavieng, Rabaul/Tobi, Kieta na Kimbe.

Na pe bilong ol liklik bris i olsem:

Samarai Hot Air K173 per tonne

F.M.S K170 per tonne Smoke K168 per tonne

Namatanai na Kandrian Hot Air K170 per tonne

F.M.S K167 per tonne Smoke K165 per tonne.

Finschhafen Hot Air K165 per tonne

F.M.S K162 per tonne Smoke K160 per tonne

Lorengau Hot Air K160 per tonne

tonne F.M.S K157 per tonne Smoke K155 per tonne

Sir John i tok olgeta pipel husat i save wokim kopra i mas strong yet na wok na i no ken tingting tumas long dispela taim nogut. Em i tok ol i mas salim yet kopra i go long ol kantri olsem Japan, Yurop, Singapore na Taiwan nogut bai ol i lusim olgeta.

Sir John i tok tenkyu long gavman long



• Sir John Guise

givim K4 milion long 1988 baset long Kopra bot long dispela ol wok.

LIKLIK NIUS

10 toea long yusim toilet

OL PIPEL husat i save go long Rabaul maket nau bai baim 10 toea long taim ol i laik yusim toilet long maket. Is Nu Briten Maket Atoriti i tok nau bai ol pipel bai baim 10 toea long toilet pepa longpela bilong em inap long wan mita.

Ol bikman i was long maket i tok ol i putim dispela fi bikos planti taim ol toilet i save bagarap bikos ol pipel i save yusim ol strongpela samting olsem stik, ol lip bilong diwai na ol longpela pepa. Narapela as tu em long sasim 10 toea em long stapim ol pipel long bagarapim toilet na narapela samting bilong maket.

Ol minista paitim toktok long sik AIDS

HELT MINISTA, Timothy Ward na ol lain edvaisa bilong em long sik AIDS i bin lusim PNG long wik i go pinis long go stap insait long wanpela miting long Englan bilong olgeta helt minista long wol.

Ol minista i bung long toktok long dispela sik. Ol bai toktok long painim sampela we na marasin samting long stapim dispela sik AIDS.

Mista Ward na ol lain bilong em bai lukluk raun tu long Tailan, Singapore, Taiwan na Amerika bipo long ol i go kamap long Englan.

Gavman bilong Englan na Wol Helt Oganaisesen i bung wantaim long kamapim dispela miting. Dispela miting bai stat long Tunde 26 Januери na pinis long Fonde 28 Januери.

Ol Is Sepik skul bai op gen

OL tripela haiskul na wanpela komyuniti skul insait long Is Sepik bai op gen long dispela yia. Ol skul ya, Brandi haiskul, Maprik haiskul, Angoram haiskul na Hayfield komyuniti skul i bin pas las yia bikos planti trabel i bin kamap long ol tisa na ol samting bilong skul.

Namba wan provinsal edukesen seketeri long Is Sepik, John Markias i tok olsem bai ol i sot long ol tisa long ol haiskul bikos ol tisa i pret liklik long go wok long ol dispela haiskul.

Tupela nupela 'Sanguma'

SANGUMA BEN i kisim tupela moa man long joinim ben bipo long ol i raun long ovasis gen long dispela yia. Tupela man ya Wamsi Ilau na Pius Wasi nau i stat trening wantaim ol olupela memba bilong ben.

Ilau em i wanpela saveman bilong paitim ol dram na em i ken singsing tu. Na Wasi i ken winim seksapon wokim musik long samting bilong tumbuna.

Sanguma bai raun wokim konset long ol kantri olsem Australia, Nu Silan, Japan na India long dispela yia.

Lae kisim skul long sik taifoid

LAE Siti Kaunsil i bin ranim tupela mun kempen bilong daunim sik taifoid insait long Lae siti.

Kodineta bilong dispela kempen, Lawrence Lukale i tok olsem dispela kempen i bin kamap gut tru. Olgeta man insait long siti na setelmen i harim gut tok na givim sapot long daunim dispela sik nogut.

Mista Lukale i tok Lae siti kaunsil i kirapim dispela program o kempen bikos Lae i stap namel tru long ol dispela senta husat i gat sik taifoid. Ol dispela senta olsem Mosbi, Isten Hailens, Westen Hailens na Enga i gat dispela sik.

Em i tokim Wantok olsem Lae Siti Kaunsil i bin go raun long ol setelmen, skul na koles long givim ol long rot bilong daunim dispela sik nogut.

Em tok ol setelmen eria em asples tru bilong ol dispela kain sik i save kamap bikos i no gat ol gutpela toilet na ples bilong tromoi pipia.

Mista Lukale i tok moa long 6,000 pipel i save kamap long harim ol toktok o skul bilong taifoid long taim ol i bin raun na givim toktok.


I gat 10-pela setelmen na Lae Siti Kaunsil i bin go holim 10-pela miting na ol pipel i bin kamap gut tru long dispela ol miting.

Mista Lukale i tok dispela bung i kamap gut bikos kaunsil i bin givim planti toksave long Tok Pisin na Inglis i go long ol manmeri.

Ol i bin salim ol toksave i go long olgeta supamakot long was gut long taim ol i kisim kaikai bilong solwara i kam long Mosbi na ol kumu i kam long ol tripela Hailans provins husat i gat sik taifoid long en.

Ol i toksave i go long olgeta haus sik long givim marasin gut long ol manmeri husat i gat sik taifoid.

Lae Siti tu i kamapim wanpela edukesen program bilong ol mama insait long siti na tu long setelmen long lukautim gut famili bilong ol.



• Norbert Makmop

Nupela gavman bilong Fly

NUPELA primia bilong Fly Riva provinsal gavman, Norbert Makmop i tokaut long ol minista husat bai helpim em long wok inap em i makim ol memba bilong kabinet long 24 Mas

Mista Makmop i tokaut long ol minista bilong em long Tunde 12 Januери. Em i tok, em bai makim ol minista tru long 14 Mas.

Mista Makmop yet bai was long Helt na

Edukesen na namba tu bilong em Ambrose Melaveka bai i lukautim Transpot, Komes na Woks. Memba bilong Ok Tedi/Moian Isidore Kagan bai lukautim Fores na memba bilong Biami, Yoto Biaguni i kisim Prameri Indastri.

Sali Subam, memba bilong Trens Fly-Bensback i kisim Fainans. Gonene Kurokuro memba bilong Bituri bai lukautim Provinsal

Afeas, Hom Afeas, Yut na Rekriesen na Relijin. Memba bilong Daru Taun Lewis Siware i minista bilong Plening.

Mista Makmop i tok ol nupela minista ya i bilong olgeta liklik eria insait long provins. Em i tok tripela minista insait long dispela kabinet i bilong Saut Fly eria na namba tu primia Melaveka i bilong Midel Fly na em yet i bilong Not Fly.





Mani i go we?

BIKPELA toktok i kamap nau long mani bilong Stabex Fan, mani em EEC i givim long helpim ol kain bisnis olsem kopra, kopi, kakao na welpam. Oposisen na ol kopra na welpam groa i sutim tok i go long gavman na tok gavman i no yusim gut dispela mani long helpim ol.

Dispela kain toktok i gat as o? Long taim gavman i bin tokaut long 1988 baset ol i bin toktok long mani ol i brukim i go long ol kain wok. Tasol i no gat bikpela toktok tumas i kamap long ol lida husat i wok long sutim tok nau long gavman long dispela Stabex Fan. Watpo na ol i no opim maus long dispela taim? Watpo na ol i wet inap long Palamen i tok orait long 1988 baset na nau ol i opim maus long askim long wanem kain rot tru gavman i brukim dispela mani bilong Stabex Fan?

Narapela askim tu em i olsem. Sapos gavman i no yusim gut mani ya bai EEC inap long givim wankain helpim i kam long PNG long bihaintaim o no gat? I tru olsem mausman bilong ol long EEC long PNG i tok em i samting bilong gavman long skelim long wanem wok em i pilim i bikpela samting. Tasol long bihaintaim bai yumi inap long kisim nating kain helpim olsem ol bai ol kantri husat i givim mani ya i no inap long tok orait?

Gavman i skelim dispela mani na yumi hop ol i ken tokaut nau long wanem kain rot em i brukim dispela mani bilong Stabex Fan.

Belpen kamap long Lae komyuniti sevis takis

TINGTING bilong Lae Siti Kaunsil long kamapim komyuniti Sevis Takis i kamapim planti belpen long ol pipel insait long Lae.

Ripot bilong dispela takis i stap nau long ai bilong Morobe Provinsal Gavman. Na sapos ol i oraitim ol man bai stat long baim takis.

Insati long dispela takis Lae Siti Kaunsil tingting long kamapim K4.16 million.

Lae Siti Kaunsil i tokaut pinis long mani plen bilong em long 1988. Insait long dispela syia Lae Kaunsil i gat k6,118,750 long mekim kain kain ol wok insait long siti.

Siaman bilong Kaunsil Royden Aigal i brukim mani i go long ol dispela wok:

- Edministresen K1,025,700
- Edukesen/Helt K 940,300
- Trenspot/Rot K1,902,200
- Komyuniti Developmen k1,740,540

HENRY MORABANG i raitim

Ekonomik Developmen K 510,100

Lae siti i bin kisim K950,00 long Morobe Provinsal Gavman long mekim wok bilong em. Lae siti kaunsil i askim long K2.6 milion tasol gavman i givim K950,000 tasol.

Lae siti kaunsil i yusim dispela ol mani long; Pipia na Pekpek K400,000
Rot Mentenens K550,00

Lae Siti Kaunsil i gat sampela bikpela projek bilong wokim, insait long dispela yia LCIA tingting long kirapim wanpela bikpela haus bilong pilai kain kain spot. Dispela haus bai kos inap long K600,000.

Ol arapela bikpela wok em dabol klasrum long Buimo Komyunitio skul, Gantam komyuniti skul, Hai Kost komyuniti skul na 4 Mail komyuniti skul. Pe bilong wan wan dabol klasrum long ol dis-

pela skul em inap long k23,000.

Mista Aigal i tok tu olsem kaunsil bai tro moi K80,000 long sanapim ol trefik laik. Dispela ol lait bai stap long Milfordhaven Rot, Air Corps Rot, na bikpela rot bung long Huon.

Mista Aigal i no inap tokaut long hamas ol projek i no inap kamap bikos mani sot. Nesenel gavman i no bin givim inap mani tu long helpim ol arapela bikpela wok bilong Lae siti kaunsil.

Galp pis kampani kisim tupela nupela sip

GULF Papua Fisheries, wanpela bisnis kampani bilong Galp provinsal gavman i kisim tupela nupela sip bilong painim pis long dispela yia.

Ol i wokim dispela tupela nupela bot long Westen Australia na pe bilong wanpela em inap long K800,000. Wanpela bilong ol dispela nupela sip, *Gulf Star 4* bai go long han bilong kampani long Sande.

I gat wanpela grup bilong ol bikman bilong Galp Provins i go pinis long Westen Australia long kisim dispela sip. Ol man ya em provinsal Fainans na Plening Minista Soloi Hareavila, provinsal memba bilong Urama konstituensi Iva Kura, siaman bilong Gulf Investment Corporation Mekere Morauta na jeneral manesa bilong Gulf Fisheries George Mero.

Namba tu sip bai redi long mun Mas long dispela yia. Jeneral manesa bilong Gulf Fisheries George Mero i tok namba wan sip *Gulf Star 4* bai kamap long Mosbi long 1 Februari

Ol kago boi i wet yet long kompensesen

OL WOK bilong baim ol Kago boi long taim bilong Wol Wo 2 i no go yet bikos i no gat opisa long mekim ol dispela wok.

Angau Woa Karias Asosiesen i wari tru na i askim Dipatmen bilong Difens Fos long

makim wanpela ful taim wokman bilong stretim pe bilong ol kago boi.

Presideen bilong dispela asosiesen Ikui Avosa i tok dipatmen i no makim wanpela man long mekim dispela wok na planti kago boi i no kisim pe bilong ol yet.

Mista Avosa i tok tripela mun i go pinis ol dipatmen i wok long rausim ol kago boi long ai bilong Difens Fos hetkwata long Mari Bareks.

Em i tok planti taim ol kago boi i laik go askim long mani, ol opisa i save tok man i bosim mani bilong ol i go lip.

Ol arapela toktok em ol opisa i save mekim em olsem, ol i gat ol arapela bikpela wok long mekim na ol bai i no inap stretim wari bilong ol lain ya.

Mista Avosa i tokim Wantok olsem dispela wok bilong stretim mani bilong kompesesen i mas stap long wanpela opisa tasol na ol i ken stretim.

Wantok

P.O. Box 1982, Boroko
Telepon: 25 2500

Teleks: NE 22213

Faks: 252579

PE BILONG WANPELA YIA, 52
NIUSPEPA

Ples	Air Surface
Port Moresby	K20 K20
PNG	K29 K29
Australia & Sol Islan	K60 K39
New Zeland & Pacific	K78 K46
America & Europe	K118 K60

Printed and published by Anna Bernadette Solomon, of Bittern Place, Gordons, at Allotment 2, Section 209, Hohola.



INDOSUEZ NIUGINI BANK LTD

Burns House, Champion Parade,
P.O. Box 1390, Port Moresby
Papua New Guinea
Fax: 213115 Telex: NE23274 INDONIU

Mak bilong intres long ol interest bearing deposit bilong mani i stap aninit long mak bilong K50,000.

Taim	K1000-K9999	K10,000-K49,000
Call 24 hrs notice of withdrawal		
1 Mun	-	8.5 % PA
2 Mun	-	8.75 % PA
3 Mun	8.25% PA	9.0 % PA
6 Mun	8.5 % PA	9.25% PA
9 Mun	8.6 % PA	9.35% PA
1 Yia	8.75% PA	9.5 % PA
2 Yia	8.5 % PA	9.0 % PA

Beng bai toksave long mak bilong intres bilong mani antap long K50,000 long taim yu opin akaun.

Phone:
Port Moresby: 21 3307 21 3533
Boroko: 25 9211
Lae: 42 3955
Goroka: 72 2055

Member of the Group
Banque Indosuez

Memba sutim tok long Galp provinsal gavman

MEMBA bilong Kerema long Nesenel Paleman Mista Daniel Itu i tokaut long Mande 11 Januери olsem em i no amamas long harim olsem ol provinsal memba na ol senia pablik sevan long Galp provins i no mekim gut wok bilong ol.

Mista Itu i tok olsem em i no inap sindaun tasol na lukim ol lain i save bagarapim ol pipel bilong provins. Em i mekim dispela tok-tok bihain long sampela toktok i bin kamap long niuspepa olsem Galp provinsal gavman bai bungim sampela hevi nau bikos long pasin ol i save yusim mani.

Mista Itu i tok olsem em i save ol pablik sevan i save kirapim wantok sistem long Kerema na em i save tu olsem provinsal seketeri Chris Haiveta i save stap long Mosbi olgeta taim.

Em i tok Primia Tom Koraea na Mista Haiveta i mas sindaun na toktok gut long kirapim provins. Em i tok tu olsem sapos ol lida i no mekim gut wok bilong ol bai em i tokim nesenel gavman long saspensim Galp provinsal gavman.

Provinsal seketeri Mista Haiveta i tokaut olsem em i no tru olsem Galp provinsal gavman na Dipatmen bilong Galp i no ron gut. Em i tok olsem sapos ol dispela lain husat i komplek i laik orait ol i ken go na lukluk long ol buk i tokaut long pasin provins i save yusim mani.

Mista Haiveta i tokaut olsem em i gat tingting long sasim ol dispela lain long bagarapim gutpela nem bilong em na nem bilong provins tu.



• Memba bilong Kerema Daniel Itu - husat i no amamas tumas long ol bos bilong provins i no wok bung.

Kalabus i dai long Buimo

WANPELA kalabusman i bin dai long Buimo haus kalabus long Lae las wik. Ol ripot i tok olsem Warren Walter Aembo husat i gat 19 krismas na i bilong Noten provins i dai long rum bilong em.

Aembo i bin stap long Buimo kalabus na wetim kot long kilim wanpela meri helikopta pailot Heather Mitchell las yia. Ol ripot i tok olsem Aembo na ol arapela kalabus long rumgat namba 2 i bin ranawe long Fraide apinun long taim ol woda i bin lukim ol na holim em gen. Tupela arapela kalabus i ranawe olgeta.

Aembo i bin wet long kamap long kot long Tunde 12 Januери

1988. Ol bikman bilong Buimo haus kalabus i no inap tokaut nau long indai bilong Aembo tasol painimaut wok bilong ol dokta i tokaut olsem i bin gat bikpela bagarap long tupela lek bilong em na tupela bun long solda bilong em i bruk tu.

Ripot bilong ol dokta i tok tu olsem ol dispela birua i ka long wanpela sap ain o plang.

Long dispela taim o bikman bilong Korektiv sevis i stap nau long Lae long mekim painimaut wok long indai bilong Aembo.

Ol plisman long Lae i painim dispela tupela arapela kalaubs husat i bin ranawe. Provinsal Plis Komanda long Morobe Superintenden Bunu Katusele i tok olsem ol plisman long Lae i mekim bikpela wok long painim ol dispela kalabus nau.

Mista Katusele i tok olsem em i lukim pinis ol ripot bilong Dokta tasol em i no inap tokaut long pasin Aembo i bin dai. Em i tok olsem dispela ripot i stap wantaim Korona nau.

Korona na sinia mejistret long Lae Mista Geoff Laphorne i kisim dispela ripot pinis tasol em i wetim ripot bilong ol bikman bilong Korektiv Sevis na plis long kirapim painimaut wok long indai bilong Aembo.

Ol plisman sasim mama

OL PLISMAN i wok long askim mama yet bihain long pikinini bilong em i dai. Krismas bilong em inap long 25 na em bilong ples Gumia.

Plis ripot i tok olsem dispela meri i tanim nek bilong pikinini bilong em na tromoi em i go daun long maunten.

Ol man long ples i painim bodi bilong dispela liklik bebi na i tokim ol plisman. Ol plisman i redi long

sasim dispela meri.

Na long Wabag, Enga provins wanpela man i bin dai na 20 arapela i kisim bagarap bihain long tupela wanpisin i pait. Nem bilong ol dispela tupela lain i pait em Wau na Pagit grup bilong Enga.

Dispela pait i kamap bihain long tupela grup i no wanbel tumas long pe bilong kompensesen mani.

Ol plisman nau i stap long dispela eria long lukluk long dispela trabel.

EKTING Distrik asisten seketeri bilong Bialla Distrik Johnny Bansak i givim tok lukaut long ol man long no ken yusim rot namel long Bialla na Kimbe.

Em i mekim dispela tok lukaut bihain long bikpela ren i bin kamapim bikpela tati na bagarapim ol rot na bris. Dispela bikpela ren i kamap long Kimbe inap long wanpela wik olgeta.

Opis bilong making taim bilong san na ren long Kimbe i tok olsem bikpela ren inap long 200 milimita mak long Mande moning. Tasol nau ren i wok long pundaun yet na dispela mak bai senis yet.

Hetkwata bilong

Ren bagarapim ol rot na bris

Woks na Saplai long Kimbe i givim bikpela tok save long ol draiva i no mas draiv long dispela rot inap ol yet i givim gen tok save long yusim rot.

Ol 4-pela bikpela riva namel long Kimbe na Bialla i kamapim bikpela tait na pasim olgeta rot. Na tu wanpela bikpela wara namel long Hoskins na Kimbe i tait na no gat

rot bilong ol man long go long Kimbe.

Ol dispela bikpela wara em long Tiaru, Barina, Ivule na Yanulu. Na dispela bikpela wara namel long Hoskins na Kimbe em Bagi.

Opis bilong Woks na Saplai i tokim Wantok olsem ol i ting long taim dispela ren i pinis planti bris bai bruk na ol rot bai bagarap olgeta.

Ripot i kam long Kimbe i tok tu olsem dispela tait na ren i kamap i winim wankain birua olsem long yia 1985.

Bikpela ren i bagarapim tu wok bilong putim kolta insait long rot long Kimbe taun. Opis bilong Woks na Saplai i tok ol inap long pinis ol wok long dispela wik tasol ren i bagarapim.

Manki kalap long kanu na dring wara

WANPELA yangpela boi i dring wara long taim em i kalap long kanu. Krismas bilong dispela boi inap long 14 yia. Dispela boi wantaim ol sampela lain bilong em i lusim Kiwai Ailan na go long Daru na dispela birua i kamap.

Provinsal Plis Komanda bilong Saut Flai Senia Inspekta

Hubert Lorek i tok nem bilong dispela boi em Miau Nawia. Na em i bilong ples Iasa long Kiwai Ailan.

Nawia i bin malalo long ples na i laik go bek long Daru na dispela birua i bin kamap long em.

Mista Lorek i tok Nawia i gat sik longlong na i bin mekim dispela samting. Dispela sik longlong bilong en i save kamap long wan wan

taim tasol.

Em i tok ol pipel i no lukim em long taim em i kalap long kanu.

Senia Inspekta Lorek i tok ol arapela pasindia i pret long helpim Nawia bikos tait bilong Flai Riva i strong tru. Ol i ting sapos ol kalap i go daun ol tu bai kisim taim long dispela tait.

Nau ol i painim pinis bodi bilong Nawia long Mibu Ailan na ol i planim em.



Associated Plumbing Installations Pty Ltd
Plumbing and Roofing Specialist

MIPELA I WOKIM NA SALIM
OL KAPA BILONG RUF, GATA
NA OL TENG WARA

I OP 6-PELA DE LONG WAN WIK
PHONE: 25-3117 or 25-4863 FAX: 25-2895
PORTION 456 - TAMARA ROAD - 6 MILE.

NO GAT PE LONG TAIM MIPELA I
KARIM I KAM LONG HAP BILONG YU



RASIA - Tripela man bilong go long mun long Rasia (lephan i go raithan) Alexander Alexandrov, Yuri Romenenko na Anatoly Leb Levchenko. Ol i sindaun long roket bilong ol Soyuz TM - insait long Arkalik. Dispela roket i bin kam bek long mun long Desemba 29 las yia.



CENTENARIAN - London Lapun meri ya i brukim stret rekot long stap inap 114 yia olgeta. Nem bilong em i Anna Williams. Dispela em poto tasol ol i kisim na laik soim long ol pipel. Em i bin amamasim 114 Betde bilong em long las yia Jun.



PEKING - Saina Wanpela tisa i droim Ming Tombs. Dispela droing bilong Ming Tomb i save pulim planti turis stret.




ILINOIS - Amerika Liklik boi Joey Tinsley i drip antap long wara long wanpela giaman ambusa. Bikpela ren i kamap na olgeta rot i pulap long wara. Ren i bin pundaun inap long tupela de olgeta na wara i daun inap long mak bilong 4 mita olgeta.

Rasia saintis laik go long Australia

GAVMAN bilong Australia i wetim yet tok orait bilong Yunaitet Nesen Hai Komisn bilong ol Refuji long larim wanpela saintis bilong Rasia long kam insait long Australia. Nem

bilong dispela Sain-tis em Alexandre Babiy. Babiy i gat 25 kris-mas. Em i lusim grup bilong em na i stap nau wantaim ol lain bilong Australia Embasi long New Delhi long India. Namba tu Foren

Afeas Minista bilong Rasia Ada Mishin i tokim ol niusman olsem Babiy i mas bihainim stretpela rot. Em i tok Babiy i ken go bek long Rasia na lukim famili bilong em na bihain em i ken go olgeta long Australia.



PASADENA - Amerika Flora Johnson i droim pes bilong wanpela man husat i painim Ameirka, Christopher Columbus. Ol bai bilasim wanpela bikpela ka long taim bilong mas. Flora Johnson em i memba bilong wanpela grup i save sapatim na tingting long ol wok bilong Columbus.



ISLAMABAD - Pakistan *Tupela refuji i holim plak long soim olsem ol i no amamas tumas long Rasia i bosim Afganistan nau. Dispela protes kamap i makim namba 8 yia nau Rasia i wok long stap insait long Afganistan.*

Samting olsem 1,500 pipel insait long Pakistan i bin stap insait long dispela protes. Dispela rait long plak i tok olsem "Allah o Akbar - i min olsem "God i bikipela na i gat strong." Dispela em hap tok em ol Moslem rebel i save yusim.

Saut Korea painim rot bilong stapim sik AIDS

OL bikman bilong Saut Korea i wari liklik bikos taim bilong Olimpik Gems i kam klostu nau na ol i pret long sik nogut ya AIDS bai kamap lon kantri bilong ol. Ol bikman ya i tok 150,00 meri husat i save wok long ol hotel na klap bai kaikai danis bai mas kamap na ol dokta i sekap long ol.

Ol i laik olgeta meri i mas stap gut na no ken salim bodi long taim bilong bikipela piiai nogut ol i kisim sik ya. Narapela 12,000 meri husat i save lukautim ol turis bilong ol narapela kantri tu bai i go long dispela sekap.

Ripot i tok tu olsem ol man bilong painim pis insait long ol bikipela solwara tu bai i go long dispela sekap bikos ol i save raun samting olsem tri mun long planti kantri long wol.

Nu Silan PM go raun long Yurop

PRAIM MINISTA bilong Nu Silan David Lange bai go raun long Yurop long disepla yia na askim ol kantri long Yurop long baim bata na ol abus bilong sipsip long Nu Silan.

Mista Lange bai go long Frans tu. Frans na Nu Silan nau i kamapim planti tok-tok long wanpela sip ol i kolim Rainbow Warrior. Na planti kantri i sutim tok long Frans long bagarapim dispela sip.



• David Lange




ARKANSAS - Amerika *Breon Smith i yusim wanpela bot long sekim ol samting insait long ka bilong em. Wara i karamapim ka bilong em. bikipela ren i bin kamap long dispela eria na planti man i painim taim.*

PENSACOLA - Amerika *Ol wokman i rausim bensin long wanpela balus i bin kisim bagarap long taim em i laik kirap. Dispela haus em bilong Isten Airways. Tripela man i bin kisim bagarap long dispela taim.*


I GAT
WANPELA
PLES TRU
LONG
KISIM
PIS



I GAT WANPELA
PLES TRU
LONG
KISIM
KULAU



I GAT WANPELA
PLES TRU LONG
KISIM LISTER
GENERATING SET
BRIAN BELL



Brian Bell tasol i save kisim ol generating set long Lister faktori.

Brian Bell tasol i gat ol Lister spea pat wantaim Lister warenti.

**Brian Bell
Super Stores**

- BOROKO 25 5411
- GOROKA 72 1622
- LAE 42 3377
- MT HAGEN 52 1999

Maski pairap tumas long ol tisa



Dia Edita,
Mi amamas long ol bikman bilong Edukesen i tokaut long nius long 16 Novemba olsem ol bai pinisim sampela tisa. Dispela kain pablik toktok i save daunim wok bilong planti tisa long kantri.

Harim gut. Wok insait long ol skul long kantri i no isi. Olgeta tisa i save kisim taim nogut tru. Papamama i save bagarapim ol tisa na yupela ol bikman i save daunim ol tisa na ol raskol i save mekim save long ol tisa.

Sapos yupela ol bikman bilong edukesen i laik pinisim wanpela tisa, isi tasol baim em long olgeta wok bilong em na em i ken go malolo long ples. Maski long bikmaus long ol dispela pasin yupela i laik mekim.

Ol tisa i strong bilong dispela kantri, i no yupela ol bikman. Ating yupela i stap long antap olsem na yupela i ting olsem yupela i moa yet. Baim gut ol tisa na ol i ken go malolo.

Nau planti tisa i pinis na go malolo long ples tasol yupela ol bikman i no mekim wanpela samting long stretim sidnaun bilong ol. Ol dispela tisa yet i bin wok na kisim kantri bilong yumi i kam long ples kantri i stap nau.

Paul Wapi,
St Thomas Komyuniti Skul,
P O Box 107,
Yangoru.

Laik bilong ol pipel

Dia Edita,
Mi wanpela man bilong Laiagam tasol nau mi stap long Panguna. Mi bin baim balus long K275 long go olgeta long ples long votim Malipu Balakau long taim em i sanap long ileksen. Na nau em i winim pinis.

Na long taim em i go long Palamen i go long sait bilong Somare na vot long em long kamap praim minista. Nau mi kisim maus bilong pipel bilong mi bilong Laiagam, Multitaka na Porgera na mi laik tok olsem long yu Mista Balakau. Long 1992 ileksen bai yu lus. Mipela bai i no inap votim.

Mipela i no votim yu

long go na stap long sait bilong Somare, mipela i laik yu go joinim Paias Wingti. Mipela i tok olsem sapos yu laik win gen long 1992 yu mas lusim Somare nau na go long Wingti.

Mi laik tok olsem tu long lida bilong Nesenal Pati, Michael Mel i mas isi tasol. Askim bilong mipela

long Mista Balakau olsem long wanem as tru na yu go joinim Somare. Yu yet i mas bekim dispela askim long *Wantok Niuspepa* na bai mipela i lukim.

John Kepo,
Muli City,
Box 35,
Wabag Enga provins.

Ol kuk krosim ol sikman

Dia Edita,
Mi wanpela man Sirunki long Enga provins tasol nau mi stap long Mosbi. Mi bin wok long Mosbi na mi kisim wanpela bagarap. Wanpela masin i bin katim lek bilong mi na mi go stap long Haus Sik. Mi bin kisim dispela bagarap long 1986.

Long dispela taim mi bin stap long haus sik mi bin lukim olsem ol wokmanmeri bilong haus sik i no lukautim gut ol sik pipel. I no gat wanpela gupela kaikai bilong ol sikman long kaikai. Dispela kaikai ol i save givim long ol sik manmeri em i olsem kaikai bilong sik stret. Mipela ol sikman i save kaikai bret na basket nating na ol kukboi i save kros. Ol

kuk i no mas kros nating long wanem dispela kaikai ol kuk i no baim. I no wok bilong yupela long krosim ol sikman. Wokmani bilong yupela em long kukim kaikai tasol.

Jackson Johnny Noah,
PNG READYMIX Pty Ltd,
P O Box 3925,
Boroko.

Makim gut ol viles kot mejistret

Dia Edita,
Mi no amamas long ol samting i kamap nau long Enga provins. Bikpela wari bilong mi i stap long ol viles kot mejistret. Mipela ol pipel bilong ples yet i makim ol viles kot mejistret em i orait. Mi no amamas olsem ol senia mejistret i makim ol viles kot

mejistret. Ol i save makim nupela man husat i no klia long ol samting long ples. Planti taim ol viles kot mejistret i save helpim ol wantok bilong ol na i no save givim ol taim.

Mipela i no laikim ol man nating i mekim dispela wok. Em wari bilong mipela ol



Engan pipel.

Peter Waigem,
Puli Parange,
Wabag, Enga provins.

Ol pipel i wetim helpim

Dia Edita,
Mi wanpela manki bilong Boana insait long Nawae Distrik bilong Morobe tasol nau mi stap long Wewak, Is Sepik. Planti krismas mi save go holide long ples bilong mi tasol mi

no save lukim wanpela senis o developmen i kamap insait long Nawae distrik, nogat tru.

Wanpela samting mi no amamas em egrikalsa developmen. Dispela ol kain samting olsem kopi,

kadamom, kau, pik, kakaruk na ol samting bilong gaden. Ol man i laik wokim ol kain wok olsem i mas kisim helpim long ol didman long kisim dinau mani long egrikalsa beng long helpim ol long

sanapim bisnis.

Planti taim ol didman opisa bilong Nawae i save slip nating na go raun long Lae taun. Inap yupela ol memba i lukluk long dispela hevi bilong ol pipel. Traim na rausim ol slek opisa olsem na putim ol nupela man husat i ken wok hat. Nogat wanpela samting i kamap yet insait long Nawae stat long independens i kam inap nau.

Ol memba bilong mipela long provinsal na nesenal gavman i mas kirap nau na luklik long wari bilong ol pipel nau.

Eso Wambot,
LDC P.O. BOX 541,
Wewak, ESP.

Gavman kirapim ol skul na etpos

Dia Edita,
Mi laik sapotim pas bilong brata bilong mi Paul Wapi husat i bin bekim pas bilong Gabriel Henry bilong Lae. Dispela pas i bin kamap long *Wantok Niuspepa* namba 697.

Gabriel, bilong wanem na yu stap long Lae na raitim dispela pas. Mobeta yu go stap long yu.

Mi laik save tu long ol samting olsem ol rot, ol skul na ol helt senta i stap long provins bilong yu nau. Gavman bilong Wingti o gavman bilong

Somare i putim ol dispela samting?

Mi tokim stret, sapos Somare i no stap bai yumi sta yet olsem ol kagoboi bilong ol Australia.

Brata inap yu rait long *Wantok* na kauntim ol dispela samting Somare i no bin mekim. Yu mas tokaut tu long ol samting yu yet i bin mekim long kirapim provins bilong yu.

Richard Wachupul
Section 6
Kimbe

Rot bilong heven

Dia Edita,
Long ples bilong mi oltaim mi save harim planti manmeri i save toktok olsem AOG sios i save grisim ol pipel long joinim lotu bilong ol. Tasol dispela ol toktok i no tru.

Mi laik tok klia long yu husat brata o susa i gat kain tingting olsem. Tok bilong mi go olsem, AOG sios na narapela ol lotu insait long dispela graun bai i no inap tru long kisim yu na mi go long Heven, nogat tru.

Plis ol brata na susa long ples bilong mi yupela i mas klia gut long dispela. Sapos yupela i bilipim tumas olsem wan wan sios bai bringim yu long heven, sori tru yupela i asua.

Wanem sios tru i bin

dai long diwai kros na kirap gen? Sapos yu no gat ansa orait hia em ansa bilong mi. Jisas Kraus tasol i bin dai na kirap gen na i no arapela sios i bin dai na kirap.

Plis tingim gut olsem, ol sios bai i no inap long kisim yu go long heven. Em Jisas

wanpela man tasol i gat pawa long kisim yumi go long heven.

Long strongim dispela toktok bilong mi ritim buk Baibel, John sapta 3 ves 16 na tu sapta 14 ves 6.

Mi yet i bilong AOG tasol bai mi amamas tasol long kisim pas long yu husat i gat

Tok Save i go long ol man i save salim pas long *Wantok* Sapos yu no putim nem tru bilong yu long pas mipela i no inap prinim leta bilong yu.

belhevi long toktok bilong mi.

Joseph A. Kerit,
P.O. Box 362,
Wewak, ESP.

Salim pas i kam long:



WANTOK NIUSPEPA
PO BOX 1982 BOROKO

Ol Kagua wetim rot yet

Dia Edita,
Mi wanpela manki bilong Kulako insait long Kagua, Saten Hailans. Mi laik autim wari bilong mi i go long memba bilong Kagua-Grave, Solo Tomu. Yu bin tok olsem long taim yu kamap memba bai yu

pait strong long gavman i wokim Kuare Kulako rot.

Tasol faiv na hap yia i go pinis na mipela i no lukim wanpela samting yet i kamap long rot na mipela i no lukim wanpela wok bilong yu yet. Na mipela ol pipel i laik

save yu save yu stap long wanem hap kona stret bilong kantri. Traim na raun long kisim wari bilong ol pipel bilong yu.

Tumu Takela,
P.O. Box 205,
Mt Hagen.



Skelim gut wok

Dia Edita,
Mipela laik autim liklik wari bilong mipela i go long ol rikrutim opisa bilong Ok Tedi main. I gat planti ol man insait long kantri i wok long dispela bikpela main.
Long save bilong mi gat 19 provins insait long dispela kantri. Tasol mi no save ol dispela opisa i kisim ol lain long wanpela provins tasol. Ol i wokim long laik bilong ol o laik bilong bos bilong ol.
Dispela provins i gat 60 pesen

mak bilong ol man i wok long dispela Ok Tedi na 5 pesen em bilong ol arapela 18 provins long kantri. I luk olsem dispela bikpela kampani i bilong ol dispela provins tasol.
Ok Tedi i kisim ol Sepik tasol na tarangu ol arapela provins i go gat tru. Dispela kain pasin i no gutpela tru.
Wambea Tinai, Lapi Sope, Watakau Yauni na Moses Mungalo, C/P.O. Box 303, Pot Moresby.

Stretim ol trabel long

Dia Edita,
Mi wanpela boi bilong ples Aypa insait long Morobe provins. Mi laik autim wari bilong mi long ol trabel i save kamap insait long provins.
Planti trabel i kamap na ol papa na brata bilong mipela i dai tasol gavman i no luksave long dispela na stretim wari bilong ol.
Dispela pait i bin stat long bipo yet i kam long dispela ayia 1988. Na gavman i no bin mekim wanpela samting long stapim dispela trabel.

Aypa

Bipo Somare i stap gavman i no helpim mipela. Orait nau Wingti yu winim gavman orait plis traim na stretim dispela hevi long eria bilong mipela.
I longpela taim nau dispela kain trabel i stap yet. Mi laik gavman i mas kam insait kwik na helpim mipela.
Thomas Gavandu, Menyamya, Morobe Provins.

Lukautim gut siti

Dia Edita,
Mi laik autim wari bilong mi long ol maket insait long Mosbi siti. Mi laik tok olsem ol NCDIC i mas sekim ol pipel husat i save go salim ol samting long maket.
NCDIC i mas wokim olsem na salim sampela pipel long go long Koki maket, Godens Maket, Waigani maket, Boroko Maket na narapela ol maket i stap insait long Mosbi siti.
Sapos ol i wokim olsem em i isi long lukautim gut maket bai i no inap paspas tumas long ol pipel na pipia nabaut. Sapos yupela wokim olsem em bai Mosbi i klin moa bikos em i kapital siti. Na sapos ol turis bilong ol narapela kantri i kam em bai ol i amamas long kam insait long kantri bilong yumi.
Ol NCDIC i mas lukluk gut na sasim ol pipel husat i save tromoi pipia. Sas bilong ol i mas K10 na i go antap. Mekim olsem bai ol pipel i tanim bel na i no inap tromoi pipia nating long siti. Sapos man i no baim mani NCDIC i makim, orait em i mas go long kalabus.
F.M.K Golu, P.O. Box 145, Boroko, NCD.

YU MAS RAITIM NEM NA ADRES BILONG YU



Dia Edita,
Mi bin kisim sip long Lae na i laik go long Rabaul na mipela i bin go sua long bikpela bris long Kimbe. Long taim mipelai sua mi askim long stua na sampela lain i bin soim mi wanpela stua.
Mi go insait long stua na mi lukim planti pis na skon. Man ol skon i liklik tru. Tupela long 10 toea na mi bin tromoi 20 toea na mi kisim 4-pela skon olgeta. Tasol dispela man i givim tupela tasol. Na mi sem nogut tru long dispela kain pasin em i wokim long mi.

Kimbe i dia tumas

Bihain mi askim long pis na dispela tu i wankain. Dispela pis i liklik tru na pe bilong em inap long K1.20. Na mi ting em 50 toea. I luk olsem Kimbe i no gat solwara o olsem wanem.
Ating papa bilong dispela stua i mas traim daunim pe bilong ol dispela kain kaikai.
Robin Inee Lusoho, Goroka, Isten Hailans.

Paitim man long rot

Dia Edita,
Mi wanpela man bilong Mamose rijon tasol nau mi stap long Kieta, Not Solomon provins. Wari bilong mi i go long ol plisman long Kieta na Buin.
Yupela ol plisman i mas save gut, no ken paitim nating man namel long rot. Dispela Haiwe rot em i bilong ol man long raun na i no rot bilong ol dok na pik. Dispela kain pasin i save kirapim bel bilong ol man ya.
Dispela kain lo bilong paitim man namel long rot, em yupela kisim long husat gavman tru. Planti yia nau dispela pasin bilong paitim man long rot i stap yet long dispela tupela ples.
Max Kunny, F.K.Y, Yalumet.

Winfield

25's



5 extra King Size cigarettes

There are five extra reasons for enjoying Winfield King Size.

You get five extra top quality King Size cigarettes in Winfield 25's, for only a few toea more than you pay for most other brands of 20's.

Compare the price, compare the value.

Big value

COLOR USED

Kwarara i tok save long ol

beng

LONG wik i go pinis nesanel Fainans Minista Galeva Kwarara i tokim ol beng long Papua Niugini long apim dinau mani ol i save givim long ol pipel bilong Papua Niugini stret.

Long dispela taim ol beng i save givim 50 pesen bilong ol dinau mani bilong go long ol lain bilong Papua Niugini. Tasol long 1990 Mista Kwarara i laik lukim olsem ol beng i givim 66 pesen dinau mani long ol pipel na kampani bilong Papua Niugini stret.

Mista Kwarara i tok olsem long dispela taim bikpela tingting bilong gavman em long kirapim egrikalsa, timba na pis bisnis olsem na em i laikim ol beng long givim dinau long lain husat i laik kirapim dispela wok.

Ol beng save givim 14 pesen bilong ol dinaumani long helpim ol dispela wok. Tasol Mista Kwarara i tok olsem long 1990 ol beng i mas givim 50 pesen bilong ol dinau mani long kirapim ol dispela bisnis.

Mista Kwarara i tokaut tu olsem ol beng i mas apim dinau mani ol i save givim long ol lain husat i laik baim ol haus.

Em i mekim strongpela toktok tu long ol beng i mas daunim dinau ol i save givim long ol lain husat i laik baim ol samting olsem ol ka, ol televisen na tu ol lain husat i laik baim graun na kirapim ol haus.

Fainans Minista i tok olsem ol beng i mas pasim dinau ol i save givim long ol kampani husat i laik kirapim bisnis long solwara. O beng i mas pasim tu ol dinau ol i save givim long ol lain husat i laik salim mani i go ovasis.

Em i tok olsem Beng bilong Papua Niugini bai sekap long ol dispela toktok bilong em na em i laik olsem ol beng i mas bihainim ol dispela toktok.

MEMBA bilong Mosbi Not Is long nesanel Palamen David Unagi i tokaut pinis olsem em i no amamas long ol pasin sampela papa bilong ol stua i save mekim long Mosbi.

Mista Unagi i tok olsem planti papa bilong ol stua long Mosbi i save salim kaikai ol i bin kukim bipo na dispela kaikai i no gut tumas. Em i tokim ol papa bilong ol stua na ol takaboks husat i save salim ol olpela kaikai long stapim dispela pasin.

Mista Unagi i mekim ol dispela toktok olsem wanpela komisina bilong Nesanel Kepitel Interim Komisin na man husat i go pas long wok bilong givim ol laisens na pemit long ol lain husat i laik kirapim bisnis long Mosbi.

Long dispela taim Mista Unagi i luksave olsem planti liklik

Unagi givim toklukaut long ol stua

JOSEPH KAU i raitim

stua i stap long han bilong ol pipel bilong ol arapela kantri. Tasol mama lo i tok olsem olgeta liklik stua o ples bilong salim kaikai i mas stap long han bilong ol pipel bilong Papua Niugini.

Mista Unagi i toktok tu long apim pe bilong laisens ol pipel i save kisim long kirapim ol stua. Long dispela taim ol i save baim K6 long kirapim stua. Mista Unagi i laik apim pe bilong laisens i go long K250. Planti pipel bilong ol arapela


kantri save baim laisens long liklik mani tasol na oli save mekim bikpela winmani.

Em i tok "Long bihaintaim mi laik lukim olsem olgeta stua bilong salim kaikai i mas stap long han bilong ol lain Papua Niugini stret."

I gat sampela liklik stua i save wok tasol ol i no gat laisens.

Sampela bilong ol i save wok long taim ol i wetim tok orait bilong NCDIC. Mista Unagi i tokaut olsem em i no inap long givim laisens bilong ol dispela kain lain.

Mista Ungai i tingting nau long kirapim wanpela lo long stapim ol dispela kain pasin na tu long apim pe bilong laisens bilong kirapim ol stua.



• Sylvester Farapo bilong Hamahamu viles long Galp Provins i pilai snuka long Gerehu Amusement Senta. Dispela Amusement Senta i bilong K Amusement Services. Ol i gat 10-pela kain ples olsem insait long Pot Mosbi.

Menssa bilong K Amusement Services, Mista James Kwan i tok olsem kampani bilong em i ranim ol dispela amusement senta long amamasim ol manmeri long siti.

Mista Kwan i tok olsem dispela ol pilai i no dia tumas. I gat ol komputa gems pinbal masin na snuka tebol.

Tupela kiap bosim

i kam long pes 2

bikpela samting em pablik sevan i slek tru long wok. Long sampela hap bilong provins ol pablik sevan i save malolo gut na kisim nating mani bilong gavman. Na long sampela hap ol i save taitim bun tru long wok.

Insait long wok bilong Ekonomi, gavman bilong nupela primia nau bai wok strong long tripela samting. Ol dispela samting em Wok bilong painim Pis,

long Saut Flai, na Timba long Midel Flai na Mineral na Eneji long Not Flai.

Mista Makmop i tok tripela samting em i bun bilong Westen provins na i save kamapim mani bilong provins na nesanel gavman tu.

Mista Makmop i tok gavman bilong em bai lukluk long ol kain samting olsem helt senta na skul. Bikos em i bikpela samting tru long lukautim laip bilong ol manmeri.

Em i laik lukim ol pipel i sindaun gut olsem na em i askim olgeta pipel long skul moa yet.

Last toktok bilong Mista Makmop em long strongim wok bilong ol Rurel Helt Sevis. Gavman bilong nupela primia Mista Makmop bai traim kamapim ol gutpela rot long lukatuim ol liklik helt senta na etpos long provins.

Mista Makmop bai tokaut long ol minista bilong gavman bilong

Do "you" want to be successful in Business?
Promote your business "Nationwide" by using
"RADIO ADVERTISING"

After all we broadcast from 5.30am to 12 o'clock midnight everyday, bringing entertainment nation wide!


While driving - sailing - working in offices - factories - shops or just walking along "KALANG FM RADIO" is your faithful companion, selling "YOUR" product, while other medias which have claimed to be the best for advertising cannot be read - seen or heard, while doing the above mentioned. Makes sense doesn't it? Music makes people happy!

Besides being one of the best FM radio stations in the Pacific region (please check if in doubt), we give news on the hour - short stories - public information.

Our success rate is obvious, ask our bank manager, he is happy with our cheap rates, and our bank balance. JOIN A WINNER by Advertising on KALANG FM RADIO NOW.

Kalang Advertising Inc.
Advertising Sales Department,
P.O. Box 1359 Boroko,
Ph: 25 5233 or 25 4884,
Where value for money is our motto
ask some of our valued customers
(REGISTERED ADVERTISING AGENT)


GIVIM MI RICE, GIVIM MI STRONG, trukai RICE..



Bilong gutpela
helt na strong
yu mas baim
Trukai Rice!

**Em i
TRU!**

Skelim trausel



• Ol wokman bilong Hambung Hagenbekk zoo long Wes Jemani i skelim dispela lapun trausel. Nem bilong dispela trausel em Karlchen na em i gat 80 krismas nau. Hevi bilong em inap long 270 kilogram.

Plis sasim man long stil

OL Plisman i bin stua long Tinputz. Na long Wewak ol stilman i bin brukim woksap bilong Woks na Saplai na stilim ol tul. Dispela birua i kamap long Mande nait.



• Minista bilong Edukesen Joseph Aoae i toktok long K4.8 milion gavman i givim long helpim pe bilong komyuniti skul, vokesenel skul na COES

Somare sutim tok long gavman i paulim pipel

OPSISEN lida Michael Somare i sutim tok i go long Praim Minista Paias Wingti na Fainans na Plening Minista Galeva Kwarara long no ken mekim ol promis em ol i no inap long bihainim.

Mista Somare i tok ol pipel i no moa bilip long gavman bikos gavman i bin giamanim ol pipel na tokaut olsem bai komyuniti skul i fri tasol.

Em i tok, "Fainans Minista bilong Mista Wingti i bin giamanim tru ol pipel bilong kantri long mun Novemba na tok ol papamama bai i no inap long baim skul fi long ol komyuniti skul long dispela yia."



• Michael Somare

Edukesen i no fri long 1988

IAN KAKARERE i raitim

BAI i no gat "fri edukesen" long 1988 tasol neseneel gavman bai helpim ol papamama bilong ol pikinini long ol komyuniti skul, vokesenel senta, na koles ov Ekstenel Stadis (COES) wantaim K10.

Minista bilong edukesen Joseph Aoae i tokaut long dispela samting las wik bihain long planti paul toktok i kamap long "fri edukesen".

Mista Aoae i tok, "Ol pipel i bin paul bikos gavman i no bin tokaut gut long taim ol i tok save long helpim mani gavman bai givim long baim skul."

Em i tok las yia gavman i tokaut olsem edukesen bai fri na ol bai stat long ol komyuniti skul pastaim na sapos i gat inap mani bai i karamapim tu ol haiskul.

Em i tok tru olsem gavman i laik fri edukesen i mas kamap insait long kantri tasol bai dispela samting i no inap long kamap wantu tasol.

Neseneel gavman i makim pinis K4.8 milion long 1988 mani plen. Na bai ol i yusim dispela mani long helpim ol papamama long baim skul fi bilong ol pikinini bilong ol husat i skul long ol komyuniti skul, vokesenel skul na COES.

Plant papamama i paul nau bikos ol i harim olsem komyuniti edukesen long 1988 i fri na ol i ting bai ol i no inap baim skul fi. Tasol dispela tingting i no tru. Ol papamama i mas baim yet hap mani bilong skul fi long komyuniti skul, vokesenel skul na COES.

Bikos long ol paul toktok nabaut, Edukesen Minista Joseph Aoae i stretim tok na tokaut stret hamas mani ol papamama i mas baim long dispela yia.

Ol i makim K3,903,520 long helpim skul fi na arapela K896,480 bai go long painim spes long kism moa pikinini i go insait long gret 1 long komyuniti skul.

Mista Aoae i tok olsem ol lain bilong Neseneel Edukesen Bot, Dipatmen bilong Edukesen, na ol provinsal gavman bai wok bung long stretim rot bilong brukim dispela K4.8 milion i go long mekim ol dispela wok.

Aninit long ol lo bilong Edukesen, ol Bot ov Manesmen bilong wan wan komyuniti skul na vokesenel senta i save paitim toktok wantim provinsal edukesen bot bilong ol pastaim na bihain ol i makim skul fi.

Ol manki i skul long ol COES skul i mas baim K45 long wanpela sabjek.

Mekim olsem na skul fi long wan wan provins i no wankain. Na tu skul fi bilong ol skul long ol taun i narakain long skul fi bilong ol skul i stap long ol ples longwe long taun.

Mista Aoae i givim eksampel ma tok, sapos wanpela komyuniti skul i makim K20 skul fi, orait ol papamama bai i baim K10 tasol na gavman bai baim arapela K10. Em i tok tu olsem sapos ol skul long bus'i sasim K12 skul fi, orait papamama bai baim K2 tasol.

Em i tok gavman i givim dispela hap mani bikos ol i no laik ol papamama i karim bikpela hevi bilong painim mani long baim skul bilong ol pikinini bilong ol. Na em i tok tu ol olsem mani gavman i givim i bilong helpim skul fi tasol na i no mas go long ol arapela wok.

Mista Aoae i tok olsem samting olsem 155,000 pikinini krismas bilong ol i stap namel long 7 na 12-pela yia i no inap long statim skul long 1987 bikos i no gat inap spes long ol skul. Bikos long dispela hevi gavman i rausim K896,480 long kamapim moa gret 1 klas na tu long givim spes long moa pikinini i skruim skul long gret 2 na gret 6 long ol komyuniti skul.

Long dispela yia, gavman i no inap long helpim ol papamama long baim skul fi bilong ol pikinini bilong ol husat i skul long ol haiskul. Mista Aoae i tok as bilong dispela em bikos neseneel gavman i laik moa pikinini i mas go skul long ol komyuniti skul insait long kantri. Em i tok bikpela tingting bilong gavman em long givim sans long olgeta pipel insait long kantri long pinisim skul long komyuniti skul.

Em i tok bipo long independens gavman i tingting tasol long givim bikpela save long ol pipel bilong PNG olsem bai ol inap long kamap lida bilong kantri. Dispela tingting bilong gavman i mekim ol i lukluk tasol long ol haiskul na koles na givim baksait long komyuniti skul.

Mista Aoae i tok nau i gat ol Papua Niugini pipel i mekim ol bikpela wok insait long kantri. Na gavman i mas lukluk long bikpela namba bilong ol pipel husat i no gat sans long statim skul long ol komyuniti skul bikos oltaim i no gat inap spes long kism moa pikinini.

Ol tisa laik stretim toktok long pe



• Neseneel jeneral seketeri bilong PNGTA Kini Puele

OL tisa insait long Papua Niugini bai statim wok bilong ol gen long pinis bilong dispela mun. Tasol nau i gat ol toktok i stap yet long apim pe bilong ol.

Tupela lain husat i pas long ol toktok ya em Papua Niugini Tisas Asosiesen (PNGTA) na Tising Sevisis Komisnin (TSC).

Neseneel Seketeri Jeneral bilong PNGTA Kini Puele i tokim Wantok olsem, pe bilong ol tisa i bin

go antap bikos, i bin gat gutpela toktok bung wantaim TSC long yia 1986 long senisim level bilong pe bilong ol tisa.

Mista Puele i tok, toktok i bin kamap namel long tupela bodi ya bikos PNGTA i bin laik dispela nupela pe i mas stat long Januari 1 long las yia na i no Januari 1 bilong dispela yia 1988.


TSC, wanpela han bilong gavman husat i save kism ol tisa i tok, ol i bin baim ol tisa daunbilo long pe tru bilong ol bikos

gavman i bin sot liklik long mani long yia i go pinis.

Mista Puele i tok, nau olsem pe bai i go antap, na PNGTA bai kism bikpela amamas long dispela tasol bikpela tok tenkyu i mas go long ol tisa husat i bin wok hat tru long planti yia i go pinis.

Em i tok tupela bodi ya PNGTA na TSC bai hokim toktok gen long Januari 19 na em i bilip olsem olgeta toktok bai i stret long pinis bilong mun.

Make yours a Cambridge today



The choice is yours. CAMBRIDGE king size filter cigarettes come in 10's and 20's. Both packs bring you the full satisfaction of fine Virginia tobaccos.

QUALITY KING SIZE CAMBRIDGE

BILONG KILINIM SKIN

Gamophen* Medicated Soap i gat spesol kain marasin i stap long en we bai i stopim ol gem na helpim skin i noken sua nating.


Olgeta taim yu yusim Gamophen* Sop bai i lukautim gut sikin bilong yu na i stap luk klin oltaim.



Trade Mark © 1987



Johnson & Johnson



• Seketeri bilong Edukesen Jerry Tetaga.

EMTV are the 1ST in PNG to present

EVERY MAN NEEDS ONE

Wednesday 13th 8.30pm

(AO) Adults Only

STARRING: Connie Stevens
Ken Berry
Henry Gibson
Carol Wayne

THE LEFT HAND OF GOD

Friday 15th 8.30pm

(PGR) Parental Guidance Required

STARRING: Humphrey Bogart
Gene Tierney
Lee J. Cobb
E.G. Marshall
Agnes Moorehead

FLIM FLAM MAN

Saturday 16th 9.00pm

(PGR) Parental Guidance Required


STARRING: George Scott
Michael Sarrazin
Sue Lyon
Harry Morgan
Jack Albertson

HUMAN FEELINGS

Sunday 17th 7.30pm

(PGR) Parental Guidance Required

STARRING: Nancy Walker
Bill Crystal
Pamela Sue Martin



EM TV

We're leading the way!

Namba wan SVD diken

I GAT namba wan Papua Niugini man i kamap diken long oda bilong Sosait oy Divain Wot (SVD) bilong Katolik sios insait long kantri.

Nem bilong dispela nupela diken em Paul Kanda na em i bilong Wabag, Enga provins.

Bisop bilong Wabag Daiosis Bisop Herman Reich i bin givim oda long Paul Kanda long Par Pastoral Senta long 12 Disemba las yia.

Dispela bikpela sere- moni bilong odinesen bilong Diken Kanda i gat stori bilong lain SVD misineri tu ya.

Dispela stori bai go gen long yia 1896 long taim namba wan misineri bilong SVD, Pater Eberhard Limbrock i kam sua long Sek (Alexishafen), Madang provins. Na dispela odinesen em i kaikai o hatwok bilong Pater Limbrock i karim kaikai.

Plantu man i ritim stori bai tok bikpela tenk yu tu i go long Pater William Ross long brukim bus na go sindaun long Hagen long autim toktok bilong God insait long

dispela eria.

Na hatwok bilong ol lain SVD misineri i go long Hailans na Wabag nau i karim kaikai nau.

Dispela de Disemba 12 1987 em bikpela de stret bilong ol lain SVD insait long kantri. Ol i amamas tru long kisim namba wan PNG man long oda bilong ol.

Provinsal Superia bilong ol SVD, Pater Henry Barlage i bin stap long taim bilong odinesen. Samting olsem 8-pela SVD pris na bruder i bin kamap long witnes long dispela bikpela de bilong Diken Paul Kanda.

I gat 31 ol arapela studen husat i skul long kamap pater long Enga provins tu i bin kamap lukluk long dispela bikpela de. Ol dispela studen i bin holim wan wik pre na sarap long Par Pastoral Senta.

Diken Paul bai kisim santu ordo bilong kamap pris long neks yia.

I gat sampela lain sista tu i bin stap long Par. Ol dispela lain sista em bilong Franciscan, Rosary, St Therese, na Mercy

Ol Sekret hat Bruder wokim promis

LONG 8 Januəri, sampela bruder bilong wanpela lokel kongrigesen bilong Katolik sios, ol i kolim ol Sekret Hat Bruder i wokim promis bilong ol.

Dispela ol lain bruder i save stap long Wabag, Mosbi,

Madang, Brahman (Madang), Wewak na Vanimo.

Long Mosbi, moa long 20 man i bin kamap long lukim tripela bruder i wokim promis bilong ol. Ol dispela tripela bruder em Bruder John Wapalin, Bruder Peter Pot na Bruder

Alois Parandowe.

Bruder Pot i wokim namba 5 promis bilong em, na Bruder Wapalin i mekim 7 na lapun bilong tupela Bruder Parandowe i wokim 8. Neks yia Bruder Parandowe bai go bek long noviset long mekim wanpela stadi long kisim

moa skul long Sekret Hat Bruder.

Bisop bilong Madang Asbiosp Leo Arkelf SVD i staim dispela lain bruder long Wewak.

Bihain long Bisop i statim dispela grup, em i makim Pater William Liebert SVD long go pas olsem bos

bilong ol.

Dispela ol lain bruder i givim laip bilong ol long God long helpim ol rabisman, sikman (leprosi), na tu lukatuim ol yangpela man husat i brukim lo.


Bikpela wok bilong ol em olsem witness bilong Jisas long ol manmeri.

ToVarpin i nupela bisop bilong Madang

MAUSMAN bilong Pop John Paul long Papua Niugini Antonio Maria Veglio i bin oraitim risain pas bilong Asbiosp Leo Arkfeld. Na em i makim Bisop Benedict ToVarpin long kamap nupela asbisop bilong Madang Asdaiosis.

Mama i bin karim Asbisop ToVarpin long mun Jun, 1936 long ples Volavolo, long Is Nu Briten provins.

Em i pinism olgeta skul bilong em long kamap pater long Papua Niugini yet. Em i skul long Maina seminari long Ulapia, (Rabaul) na bihain em i go skul long Mesa seminari long Madang



• Bisop ToVarpin

na bihain ol i muvim mesa seminari long Mosbi, Bisop i kam pinisim skul bilong em long Mosbi.

Long 24, Januəri, 1971, bisop making ToVarpin long kamap pris.

Taim em kamap

pater em i bin mekim wok pris long olgeta hap bilong Is Nu Briten. Na bihain Katolik Bisop Komprens salim em long Mosbi na i kamap namba tu bilong bisop long bikpela asdaiosis bilong Pot Mosbi.

Long 1980 ol i makim Pater Benedict ToVarpin long kamap bisop long Bereina, Sentral provins. Em i wok bisop inap long Mas 1987 na ol i makim em long go stendbai long bisop bilong Madang.

Bisop ToVarpin em i namba tri asbisop long lukautim Madang. Namba wan em Adolf Noser SVD, na Bisop Leo Arkfeld SVD na nau Bisop ToVarpin i holim dispela wok.



• Bruder John Wapalin SHM i mekim promis

WAN MINIT TINGTING

Dabol

LONG olgeta muvi o vidio stori, i gat wanpela man o meri i gat biknem i save holim namba wan wok long stori. Yumi save tok, dispela man o meri em i sta bilong muvi. Insait long muvi sampela taim wanpela narapela trikman o trikmeri i save senisim sta. Tasol yumi manmeri nating i no inap lukim. Oltaim yumi save ting, sta tasol i wok na i tok tok.

Sapos sta i mas bamim ka o bagarapim balus o pundaun long hos, ol man bilong wokim muvi i no ken larim sta i mekim ol dispela samting na kisim bagarap. Nogat. Ol i save painim wanpela trikman o trikmeri i gat bikpela save long bamim ka na brukim balus na pundaun longwe, na ol i no save kisim bagarap.

Orait, dairekta bilong muvi, em i save kisim dispela kain trikman o trikmeri bilong senisim sta bilong muvi, long olgeta taim na ples we sta i no inap mekim wanpela samting. Yumi save kolim dispela kain trikman o trikmeri, wanpela dabol bilong sta.

Orait, bilong go insait long muvi, dispela dabol i mas luk olsem sta, na wokabout olsem sta, na toktok olsem sta, na putim wankain klos olsem sta. Olsem tasol na yumi manmeri nating i no ken save wataim sta tru i wok insait long muvi, na wataim dispela dabol i mekim wok. Plantu manmeri i kalap tru na i amamas long ol bikpela wok ol sta bilong muvi ol i nap long mekim. Tasol, sori, dabol yet i bin mekim dispela.

Tude long graun yumi olgeta Kristen i ken holim wok dabol. Yumi ken na yumi mas mekim wok dabol, bilong senisim Jisas.

Nupela Testamen i tok olsem: Jisas wantaim bodi bilong em i bin go bek pinis long

heven. Em i no moa stap hia long graun wantaim bodi bilong em. Olsem na em i laik yusim bodi bilong yumi long mekim wok bilong em tude. Em i laik yumi mas dabolim em.

Harim! Sapos Jisas i laik mekim gut long wanpela sikman hia long graun tude, orait, em i mas yusim hia bilong yumi. Sapos em i laik givim gutpela tok skul, em i mas yusim maus na nek bilong yumi. Na i olsem tasol, yumi dabolim em long ol kain kain wok em i laik mekim hia long graun. Sapos han na lek na ai na maus bilong yumi i no mekim, Jisas yet i no inap mekim.


Wanpela de wanpela man i komplem long God na i tok, "God, watpo yu bin wokim dispela man i lek nogut? Ating yu no wari long em liklik." Na nau em i harim wanpela liklik tok insait long bel bilong em i go olsem, "Mi wari! Mi bin wokim yu, na mi bin mekim yu i lukim dispela tarangu." Man ya i kalap nogut, long wanem, em i pilim olsem God i bin putim dispela wok marimari long em nau.

Kristen man o meri o pikinini i pilim: em i mekim wanpela wok nau bikos em i dabol bilong Jisas, em bai amamas tru long wok bilong em. Maski em i wok gaden o wok mekenik o wok ofis o wok tisa o wok mama o wok long karim sik na pen.

Dabol bilong Jisas i mas luk olsem Jisas long pasin bilong em. Ol pipel i lukim em ol i mas tok: ating Jisas i bin mekim olsem, long taim em i stap yet long graun.

Wanpela haiden man i no laik joinim Sios na ol i askim em watpo. Em i tok olsem, "Bikos long pasin bilong yupela, mi no inap lukim yupela i Kristen."

Tude Jisas i stap long taun o long ples o long gaden o long balus o long PMV o long maket - sapos yu stap. Yu dabol bilong em. Yu dabol tru, laka? Yu makim Kraus tru, laka? O yu gat nem nating bilong Kristen?



• Bisop Herman Reich SVD i makim Paul Kanda SVD long kamap diken. Diken Paul i namba wan PNG long kamap long lain bilong SVD



Sapos yu gat wangepa wari, salim pas i go long Laiplain, P.O. Box 6047, Boroko. Yu ken ringim tu long telepon namba 25 7711

Tupela meri i laikim mi

DIA LAIPLAIN,
Long Krismas las yia mi kamap wangepa Kristen tasol mi gat wangepa hevi bikos mi gat tupela gelpren husat i kristen tu Wangepa em i bilong ples bilong mi tasol narapela meri em i bilong narapela provins.

Mi laikim tru tupela meri ya tasol papama ma bilong mi i laikim meri husat i wangepa bilong mi. Hevi bilong mi i bikpela nau bikos narapela meri ya i gat bel nau.

Mipela i bin toktok wantaim ol lida bilong sios bilong mi long dispela hevi tasol mipela i no inap pasim toktok long stretim dispela hevi long wanem tupela meri i no laik lusim mi.

Sapos mi maritim tupela meri wantaim, ol lain bilong mi i no inap kisim komonio long sios. Bai mi mekim wanem long stretim dispela hevi?

ONE OR BOTH

DIA PREN

I gutpela olsem yu bin toktok wantaim ol sios lida bilong yu long dispela hevi tasol mipela i sori long lukim olsem yu no inap stretim dispela hevi. Watpo na yupela i no inap stretim dispela hevi? Ating yu yet i save long stretipela rot long pinisim dispela hevi tasol yu no laik bihainim o?

Laiplain i no inap tokim yu long wanem samting yu ken mekim long stretim dispela hevi. Yu yet i

mas painim ansa wantaim helpim long papa God. God inap long helpim yu sapos yu gat bilip long em na bihainim ol samting em i soim yu long mekim.

I no gat wangepa isi rot long stretim dispela hevi. Wanem rot yupela i bihainim bai i mekim wangepa bilong yupela tripela i no amamas. Dispela kain hevi i kamap bikos yupela i no bihainim toktok bilong God long pasin bilong marit. Buk baibel i tokaut klia tru olsem ol man i no mas slip wantaim meri sapos ol i no marit yet. Tasol i luk olsem yu bin slip wantaim tupela gelpren bilong yu pinis bikos wangepa bilong ol i gat bel pinis.

Papa God inap pogivim ol dispela sin sapos yupela i tokim em na yupela i promis long lusim dispela pasin. (John 1:9). Tasol dispela i no inap stretim dispela hevi i stap wantaim yupela nau.

Sios i tok olsem man i no ken maritim tupela meri wantaim. Sios i mekim dispela toktok long wanem Buk Baibel i tokaut olsem marit i mas

stap namel long wangepa man na wangepa meri tasol. (Yu ken lukim long Jenesis 2:24 na Matyu 19:4-6). Baibel i tokaut tu olsem ol marit i stap namel long wangepa man na tupela meri bai i no inap stap orait. (Lukim Jenesis septa 16 na 21:11, 29:30-31 na 30:1,2,8).

Yu no tokaut sapos tupela meri wantaim i laik maritim yu. I luk olsem dispela tupela meri i no laik lusim yu tasol long dispela taim tu ol i no laik maritim yu na stap wantaim. Ol i ken tokaut nau olsem ol inap long stap wantaim yu tasol ol hevi i ken kamap long bihaintaim. Olsem na sapos yu maritim tupela meri wantaim, yu bai egensim tingting bilong ol Kristen na yu no inap bung wantaim ol sios lain bilong yu. Long dispela taim tu bai i gat planti tok kros i kamap namel long stretim dispela hevi na yu.

Sapos yu lusim meri i gat bel nau, bai em i karim pikinini i no gat papa. Sapos yu lusim gelpren bilong yu long ples em bai gat belhevi tasol dispela hevi i no inap stap longpela taim. Ol

lain bilong em i ken helpim em long painim narapela man.

Hia em sampela samting yu ken mekim long stretim dispela hevi bilong yu:

1. Yu ken pre long Papa God na askim em long helpim yu long stretim dispela hevi. Askim tupela gelpren bilong yu long pre wantaim yu.

2. Toktok wantaim papamama bilong yu na papamama bilong tupela meri na harim tingting bilong ol long wanem samting ol i laik yu mas mekim.

3. Yu mas save olsem yu no inap painim wangepa ansa i ken amamasim yupela olgeta. Traim na painim wangepa ansa i ken amamasim moa pipel ba traim tu long painim ansa i ken amasim God.

MI LAIPLAIN



NCDIC bai wokim tupela skul long Mosbi

NESENEL Kapital Distrik Interim Komisn bai kirapim tupela nupela skul long Mosbi long dispela yia. Wangepa em Tokarara hai skul na narapla em Erima komyuniti skul.

Namba wan hap bilong ol wok long kirapim nupela haikul bai kostim K298,000 na ol bai yusim K30,000 long kirapim Erima komyuniti skul. Dispela tupela skul bai kisim namba wan lain studen long 1989. Erima bai kisim nupela Et pos long dispela yia tu.

Ol dispela toktok i bin stap long mani plen bilong NCDIC. Siaman bilong NCDIC Jack Onno i bin tokaut long dispela mani NCDIC bai yusim narapela K330,000 long stretim ol arapela komyuniti skul insait long siti.

NCDIC tingting long tekova long olgeta wok edukesen long Mosbi, tasol ol i no stretim tok gut wantaim. Dipatmen bilong Edukesen na Dipatmen bilong Provinsal Afeas.

Narapela bikpela wok bilong NCDIC long dispela yia em long kirapim wangepa bikpela paip bilong karim wara namel long bomana na Gerehu. NCDIC bai yusim K1.6 milion long mekim dispela wok. Siti plena Ian Maxwell i tok olsem sapos ol i no pinisim dispela wok long dispela yia bai ol i yusim mani bilong baset bilong neks yia long pinisim.

Long pinis bilong dispela mun bai NCDIC i statim namba tu hap bilong stretim Ela Bis nambis long Mosbi. Insait long dispela wok bai ol i rausim Ela Bis kot haus na kirapim ol ples we ol manmeri i ken sindaun na pilai o amamas. Ol bai yusim K250,000 long mekim ol dispela wok.

Ol setelmen long Mosbi tu bai kisim sam-

i go moa long pes 19


Givim Kaikai long 5000?

-Mipela no inap wokim mirakel, tasol mipela i gat planti samting bilong helpim yu

Sapos yu gat wok bisnis long givim kaikai long planti man long mes o kantin samting, ating sampela taim yu laik bai wangepa man i wokim mirakel bilong helpim yu — sori! Mipela no inap wokim mirakel.

Tasol mipela i gat planti samting bilong kukim kaikai em ol kampani i gat nem ol i bin wokim, na i gat planti speapat samting bilong helpim yu.

Yu mas i kam lukim mipela — mipela no ken subim yu long baim samting — na bai yu inap save wanem kain gutpela stov samting i stap em inap helpim yu long mekim gut wok bilong yu na yu no ken tromoi bikpela mani tumas. Bai i no gat wok long mirakel bilong helpim yu!



TINGIM!
Long LP ges
tasol yu inap
mekim i dai.

Yu inap kisim long:

Steamships - MACHINERY Countrywide

THE TOUGHEST 4WD IN THE WORLD




LAND CRUISER

To be the best, you've got to be the toughest!
Toyota Land Cruiser was endurance tested in the Highlands of Papua New Guinea for the world market, because Toyota knows that our conditions are amongst the toughest you'll find anywhere!

Backed by the best parts and service network in the Nation, when you choose Toyota Land Cruiser, you really are choosing the very best!

TEST-DRIVE LAND CRUISER TODAY!



LAND CRUISER
CAB / CHASSIS
PETROL OR DIESEL



LAND CRUISER
UTILITY
PETROL OR DIESEL



LAND CRUISER
SWB HARDTOP
PETROL OR DIESEL



LAND CRUISER
G-SERIES WAGON
PETROL OR DIESEL



ELA MOTORS TOYOTA

WHEELS FOR THE NATION

EM1953

EMTV are the 1ST in PNG to present

PNG TONITE

Hosted by Helen Copeland.

Thursday 9.30pm (G) General



Join Helen Copeland, your P.N.G. Tonite host, as she speaks to the Hohola Youth Group in the studio.

In this weeks show, we also take a special look at the Boera Village New Year Celebrations.


BISNIS

Saturday 3.00pm (G) General
Sunday 9.30pm

Hosted by Mark Sapias
Reporting by Elizabeth Harima

In this weeks Bisnis Program we talk to Sir Julius Chan, Minister for Trade and Industry.

We also discuss the privatisation of the Kalang (FM) Service with Kedeia Uru, Chairman of the National Broadcasting Commission (NBC)



EM TV

CHOPPER SQUAD

Tuesday 7.30 pm (PGR) Parental Guidance



Join in the suspense and action as the Chopper Squad make yet another daring rescue attempt.

RETURN TO EDEN
Sequel EPISODE 9

Tuesday 8.30 pm (AO) Adults Only

Jake Sanders is now Chairman of the Harper mining board, a fact Stephanie finds increasingly hard to deal with. Prince Amahl, a past friend and business acquaintance, returns to update an ongoing business relationship with Harper Mining.

We're leading the way!



• Ol pipel long Gerehu maket i salim buai long wankain pe yet.

Mosbi buai gat wankain pe yet

Joe Martin i raitim

I GAT planti toktok long pe bilong buai long Mosbi i senis tasol ol man husat i save salim buai long Gerehu maket i salim yet long wankain pe.

Wantok i bin raun long maket na painimaut olsem ol pipel long Kerema na Sentral provins i wok long salim yet buai long 20 toea long wanpela buai.

Wanpela meri Apaniapi long hap bilong Bereina Distrik i salim 5-pela buai na tupela daka long wan kina. Dispela em olpela pe bilong buai.

Meri ya Patricia Alphonse i i tok dispela toktok long apim pe bilong buai i no mekim em i wari.

Planti pipel long Gerehu maket i tok ol i no wari tumas sapos pe bilong buai i go antap. Tasol Patricia i autim bikpela wari bilong

em long ol man husat i save go pait long maket na giaman stilim buai bilong ol man long maket.

Em i tok dispela kain pasin i no gutpela tumas. Bikos ol papa bilong buai i hatwok na ol dispela buai i kamap. Oli man i planim na ol i laik salim long kisin mani.

Planti toktok i save kamap bikos ol man i save kam traim long stilim ol samting bilong ol long maket, em i tok

Patricia na ol arapela pipel husat i save salim buai i tok ol i no wari tumas long ol arapela pipel i wokim bikmaket long buai.

Wanpela ripot i kamap long niuspela i tok olsem 2-pela buai na wanpela daka em inap long mak bilong 50t. Tasol dispela toktok i no tru bikos long planti hap bilong Mosbi ol pipel i salim buai long olpela pe bilong en.

Papa na pikinini dai long Gerehu

OL plisman long Mosbi nau i wok long sekap nau long indai bilong wanpela man na pikinini bilong em.

Dispela man i gat 43 krismas na pikinini bilong em i gat 14 krismas. Ol wantok bilong ol i bin painim bodi bilong ol insait long wanpela bus klostu long Gerehu las wik Mande.

Nem bilong dispela man em Nako Lulugia na pikinini bilong Maino Nako. Tupela i bilong ples Gawan insait long Morobe provins.

Ripot i kam long Plis Hetkwata long Mosbi

i tok olsem famili bilong tupela i stat long painim ol long taim tupela i no bin kamap long haus. Tupela i bin long bus long painim abus.

Dispela ripot i tok olsem ol i painim mak bilong kantes na tamiok long bodi bilong tupela. Ol i painim bodi bilong tupea klostu long Borehoho Setelmen. Ol famili bilong ol i kisin bodi bilong ol nau i stap long ais boks (mog) long bikpela haus sik long Mosbi.

Ol Plisman long Pot Mosbi i no save yet husat tru i kilim dispela tupela man.

Man katim meri

OL PLISMAN long Mendi i bin holim wanpela man bihain long em i bin katim meri bilong em long tamiok.

Dispela meri i stap nau long Pori Helt Senta.

Plis ripot i tok olsem dispela meri i bin kam bek long man ya bihain long tupela i bin brukim marit inap long tripela yia olgeta.

NCDIC bai wokim tupela skul long Mosbi

i kam long pes 16

pela helpim long NCDIC long stretim sindaun bilong ol pipel. Bikpela wok insait long dispela helpim em long givim wara i go long ol setelmen i no gat wara.


Bai i gat bikpela wok tu long stretim sampela rot long Mosbi tu. NCDIC i makim K528,000 long mekim ol dispela wok. Ol bai yusim K200,000 long kirapim ol arapela wok bilong stretim wara bilong ol pipel long Mosbi na tu long mekim painimaut wok long dispela hevi.

Motu Koita Asembli bai kisin K150,000 long ol project bilong ol long dispela yia. Tasol NCDIC i no save mani bai go long wanem projek. Mista Maxwell i tok olsem NCDIC bai traim na kirapim olgeta wok ol i tingting long mekim insait long dispela mani plen bilong ol. Tasol sapos ol i no pinisim ol dispela wok long dispela yia bai ol i skruim i go long neks yia.

COME AND SEE THE GOOD GUYS FOR THE

ONE TONNE OFFER

ON ALL NISSAN NAVARA UTES



For every one-tonne Nissan Navara sold, the good guys at Boroko Motors are offering one tonne of rice free!

GO SEE THE GOOD GUYS



BOROKO MOTORS

NISSAN

• PORT MORESBY — 25 5255 • LAE — 42 1144 • PABAU — 92 2771 • MADANG — 82 2433 • MT. HAGEN — 52 1313

• GOROKA — 72 1848 • ARAWA — 45 1566 • KAVIENG — 54 2131 • ALOTAU — 61 1291 • POPONDETTA — 29 1125

WANTOK

OKSAVE

BOKIS 252500

Belated Birthday



JESSIE LYDIA WALAUN

Who turned 11 years old on Tuesday 15/12/87. Love, Birthday, Greetings from Bro Obad, Sis Roland, Mum Eli and Dad Billy Walaun all of Section 5 Arawa N.S.P. Lastly from all the uncles, aunties, and Bubus of Kaba Roto peles N.C.R. Rabaul ENBP and God bless you.

TOKSAVE

Mi laik salim gritings bilong mi i go long tupela sista ya; Miss Jackie na Lyna Umuna tupela mas stap sampela hap long Finsafen o long liklik plis bilong tupela long Aimorao long Morobe provins. Plis mi traim hat long painim yupela planti taim tasol mi no painim o lukim pes bilong yutupela osem na inap yutupela rait long mi.

Gritings i kam:

Bonny Tenn,
P.O. Box 108,
Kieta, NSP.

TOKSAVE

Mi laik painim brata bilong mi. Em i bin lusim ples Biem Island long yia 1978 na i go long long Not Solomon Provins. Na mi no save wanem hap bilong NSP em i stap long en. Sapos husat brata or susa i lukim em o i save long em plis tokim em long toksave bilong mi.

Christopher Rex Garmun.

Brata yu lukim dispela toksave orait plis raitim pas long mi.

Gabriel Siu Ku
Catholic Mission Biem Island,
C/-Box 107 Wewak
East Sepik Provins.

Birthday Greetings to
PAUL ROGERSON MALO

who turns 13 today -
14/1/88.

Birthday greetings from Leslie, Michael, Dianne, Mum & Dad and Aunt Luan all of POM.

Also friends and relatives and Bubus of WEDAUI.

Happy Birthday!!

PABLIK NOTIS

WANTOK Niuspepa save prinim fri Toksave, Betde Gritings, Memori, painim wok, Gritings na Pen Pren long TOKSAVE BOKIS bilong em.

Sapos yu gat dispela kaintoktok, salim i kam long Wantok Niuspepa NAU tasol.

Rait i kam long dispela adres.

To
TOKSAVE BOKIS,
WANTOK NIUSPEPA,
P.O. BOX 1982,
BOROKO.

BELATED BIRTHDAY GREETINGS:



PETER MATBOB

Happy 60th Birthday greetings from your wife, children, grandchildren and inlaws in Port Moresby, Chimbu and Madang.

We all love you and it is our prayer that our Heavenly Father will continue to bless and keep you as each day passes.

Special Birthday and New Year greetings from Daphne, Almanzo and Felix at Gordons in Port Moresby. "We love you Bubui."

Salim Toksave,
Betde Gritings na Painim wok i kam long:
Wantok Niuspepa,
P.O. Box 1982,
Boroko.

NTN GUIDE EM TV

THURSDAY 14 JANUARY 1988

- 3.55 NTN MEDITATION
- 3.57 EMTV STATION OPEN
- 3.58 EMTV EMTV NEWS BREAK (G)
- 4.00 NTN ROMPER ROOM (G)
- EMTV SESAME STREET (G)
- 4.30 NTN SIMON TOWNSEND'S WONDERWORLD (G)
- 5.00 NTN LONG JOHN SILVER (G)
- EMTV KIDS KONA (G)
- 5.25 NTN COMMUNITY NOTICE BOARD (G)
- 5.30 NTN MY THREE SONS (G)
- EMTV GILLIGANS ISLAND (G)
- 6.00 NTN NTN NEWS SPORT AND WEATHER
- EMTV QUICK DRAW MCGRAW (G)
- 6.30 EMTV NATIONAL EMTV NEWS (G)
- 6.35 NTN M*A*S*H (G)
- 7.00 NTN NEW DICK VAN DYKE SHOW (G)
- EMTV HAPPY DAYS (G)
- 7.29 NTN BIG DOG GOODNIGHT (G)
- 7.30 NTN A COUNTRY PRACTICE (PGR)
- EMTV POWERS OF MATTHEW STAR (G)
- 8.28 EMTV EMTV NEWS UPDATE
- 8.30 NTN MAGNUM P.I. (PGR)
- EMTV SPECIAL SQUAD (AO)
- 9.30 EMTV PNG TONITE (G)
- NTN KUNG FU (PGR)
- 10.00 EMTV BENSON (G)
- 10.30 EMTV STATION CLOSE
- 10.30 NTN NTN LATE NEWS (G)
- 11.00 NTN MEDITATION
- 11.05 NTN STATION CLOSE

FRIDAY 15 JANUARY 1988

- 3.55 NTN MEDITATION
- 3.57 EMTV STATION OPEN
- 3.58 EMTV EMTV NEWS BREAK (G)
- 4.00 NTN ROMPER ROOM (G)
- EMTV SESAME STREET (G)
- 4.30 NTN SIMON TOWNSEND'S WONDERWORLD (G)
- 5.00 NTN LONG JOHN SILVER (G)
- EMTV KIDS KONA (G)
- 5.25 NTN COMMUNITY NOTICE BOARD (G)
- 5.30 NTN MY THREE SONS (G)
- EMTV TOM & JERRY (G)
- 6.00 NTN NTN NEWS SPORT AND WEATHER
- EMTV QUICK DRAW MCGRAW (G)
- 6.30 EMTV NATIONAL EMTV NEWS (G)
- 6.35 NTN M*A*S*H (G)
- 7.00 NTN GOOD TIMES (G)
- EMTV EM REPORT (G)
- 7.29 NTN BIG DOG GOODNIGHT (G)
- 7.30 NTN ALF (G)
- EMTV FAME (G)
- 8.00 NTN WHO'S THE BOSS (PGR)
- 8.28 EMTV NEWS UPDATE (G)
- 8.30 NTN MINI SERIES 'The Yeagers' (PGR)
- EMTV MOVIE 'The left hand of God' (PGR)
- 9.30 NTN MOVIE 'The adventures of Sherlock Holmes'
- 10.15 EMTV STATION CLOSE
- 11.00 NTN LATE NEWS
- 11.30 NTN MEDITATION
- 11.35 NTN STATION CLOSE

SATURDAY 16 JANUARY 1988

- 12.25 NTN MEDITATION
- 2.00 NTN MOVIE 'When the north wind blows' (G)
- 2.57 EMTV STATION OPEN
- 2.58 EMTV EMTV NEWS BREAK
- 3.00 EMTV BISNIS (G)
- 4.00 NTN TARZAN (G)
- EMTV BATMAN (G)
- 4.30 EMTV BIG LEAGUE SOCCER (G)
- 5.00 NTN GILLETTE WORLD OF SPORT
- 5.30 EMTV DANIEL BOONE (G)
- 6.00 NTN NTN NEWS SPORT AND WEATHER
- 6.30 EMTV NATIONAL EMTV NEWS (G)
- 6.35 NTN WHIZ KIDS (G)
- 7.00 EMTV INCREDIBLE HULK (G)
- 7.29 NTN BIG DOG GOODNIGHT (G)
- 7.30 NTN MOVIE 'The password is courage' (PGR)
- 8.00 EMTV BJ AND THE BEAR (PGR)
- 8.58 EMTV EMTV NEWS UPDATE (G)
- 9.00 EMTV MOVIE 'Flim flam man' (PGR)
- 9.35 NTN WORLD CHAMPIONSHIP WRESTLING (PGR)
- 10.35 NTN VICTORY AT SEA (G)
- 11.00 EMTV STATION CLOSE
- 11.05 NTN NTN LATE NEWS (G)
- 11.35 NTN MEDITATION
- 11.40 NTN STATION CLOSE

SUNDAY 17 JANUARY 1988

- 1.25 NTN MEDITATION
- 1.30 NTN JIMMY SWAGGART MINISTRIES (G)
- 2.30 NTN PERSPECTIVE (G)
- 2.57 EMTV STATION OPEN
- 2.58 EMTV EMTV NEWS BREAK (G)
- 3.00 NTN BLACK BEAUTY (G)
- EMTV K.T.V.
- 3.30 EMTV BONANZA (G)
- NTN MOVIE 'American empire' (G)
- 4.30 EMTV SPORTS WORLD (G)
- 5.00 NTN I CAN JUMP PUDDLES (G)
- 5.30 EMTV SOLID GOLD (G)
- 6.00 NTN NTN NEWS SPORT AND WEATHER
- 6.30 EMTV NATIONAL EMTV NEWS (G)
- 6.35 NTN WONDERFUL WORLD OF DISNEY (G)
- 7.00 EMTV WEBSTER (G)
- 7.29 NTN BIG DOG GOODNIGHT (G)
- 7.30 NTN LOVE BOAT (PGR)
- EMTV MOVIE 'Human feelings' (PGR)
- 8.30 NTN MOVIE 'Seven brides for seven brothers'
- 9.15 EMTV BISNIS (G)

- 10.15 EMTV STATION CLOSE
- 10.20 NTN LATE NEWS (G)
- 10.50 NTN MEDITATION (G)
- 10.55 NTN STATION CLOSE

MONDAY 18 JANUARY 1988

- 3.55 NTN MEDITATION
- 3.57 EMTV STATION OPEN
- 3.58 EMTV EMTV NEWS BREAK (G)
- 4.00 NTN ROMPER ROOM (G)
- EMTV SESAME STREET (G)
- 4.30 NTN SIMON TOWNSEND'S WONDERWORLD (G)
- 5.00 NTN LONG JOHN SILVER (G)
- EMTV KIDS KONA (G)
- 5.25 NTN COMMUNITY NOTICE BOARD (G)
- 5.30 EMTV SKIPPY (G)
- 5.30 NTN MY THREE SONS (G)
- 6.00 EMTV QUICK DRAW MCGRAW (G)
- 6.00 NTN NTN NEWS SPORTS AND WEATHER
- 6.30 EMTV NATIONAL EMTV NEWS (G)
- 6.35 NTN M*A*S*H (G)
- 7.00 EMTV HAPPY DAYS (G)
- 7.00 NTN DIFFERENT STROKES (G)
- 7.29 NTN BIG DOG GOODNIGHT (G)
- 7.30 EMTV FLYING DOCTORS (G)
- NTN WORLD AROUND US (G)
- 8.28 EMTV EMTV NEWS UPDATE (G)
- 8.30 EMTV MINI-SERIES 'All the rivers run' (PGR)
- NTN IT TAKES A THIEF (PGR)
- 9.30 NTN QUINCY (PGR)
- 10.30 EMTV EM REPORT (G)
- NTN NTN LATE NEWS (G)
- 11.00 EMTV STATION CLOSE
- NTN MEDITATION (G)
- 11.05 NTN STATION CLOSE

TUESDAY 19 JANUARY 1988

- 3.55 NTN MEDITATION (G)
- 3.57 EMTV STATION OPEN
- 3.58 EMTV EMTV NEWS BREAK (G)
- 4.00 NTN ROMPER ROOM (G)
- EMTV SESAME STREET (G)
- 4.30 NTN SIMON TOWNSEND'S WONDERWORLD (G)
- 5.00 NTN LONG JOHN SILVER (G)
- EMTV KIDS KONA (G)
- 5.25 NTN COMMUNITY NOTICE BOARD (G)
- 5.30 NTN MY THREE SONS (G)
- EMTV FLINTSTONES (G)
- 6.00 NTN NTN NEWS, SPORT AND WEATHER
- EMTV QUICK DRAW MCGRAW (G)
- 6.30 EMTV NATIONAL EMTV NEWS (G)
- 6.35 NTN M*A*S*H (G)
- 7.30 NTN THE CHALLENGERS (G)
- EMTV HAPPY DAYS (G)
- 7.29 NTN BIG DOG GOODNIGHT (G)
- 7.30 NTN A COUNTRY PRACTICE (PGR)
- EMTV CHOPPER SQUAD (PGR)
- 8.28 EMTV EMTV NEWS UPDATE (G)
- 8.30 NTN SEVEN BRIDES FOR SEVEN BROTHERS (G)
- EMTV RETURN TO EDEN (AO)
- 9.30 EMTV EMTV SPORTS SCENE (G)
- 9.55 NTN TRAPPER JOHN (PGR)
- 10.30 EMTV STATION CLOSE
- 10.55 NTN NTN LATE NEWS (G)
- 11.25 NTN MEDITATION (G)
- 11.30 NTN STATION CLOSE

WEDNESDAY 20 JANUARY 1988

- 3.27 EMTV STATION OPEN
- 3.28 EMTV EMTV NEWS BREAK (G)
- 3.30 EMTV JAZZERCISE (G)
- 3.55 NTN MEDITATION (G)
- 4.00 NTN ROMPER ROOM (G)
- EMTV SESAME STREET (G)
- 4.30 NTN SIMON TOWNSEND'S WONDERWORLD (G)
- 5.00 NTN LONG JOHN SILVER (G)
- EMTV KIDS KONA (G)
- 5.25 NTN COMMUNITY NOTICE BOARD (G)
- 5.30 NTN MY THREE SONS (G)
- EMTV FLIPPER (G)
- 6.00 EMTV QUICK DRAW MCGRAW (G)
- 6.00 NTN NTN NEWS SPORT AND WEATHER (G)
- 6.30 EMTV NATIONAL EMTV NEWS (G)
- 6.35 NTN M*A*S*H (G)
- 7.00 EMTV HAPPY DAYS (G)
- NTN MY FAVOURITE MARTIAN (G)
- 7.29 NTN BIG DOG GOODNIGHT (G)
- 7.30 NTN KNIGHT RIDER (PGR)
- EMTV ALL CREATURES GREAT AND SMALL (G)
- 8.28 EMTV EMTV NEWS UPDATE (G)
- 8.30 NTN CADES COUNTY (PGR)
- EMTV MOVIE 'Give 'em hell Harry' (PGR)
- 9.30 NTN T.J. HOOKER (PGR)
- 10.30 NTN NTN LATE NEWS (G)
- 11.00 NTN MEDITATION (G)
- 11.05 NTN STATION CLOSE
- 11.30 EMTV STATION CLOSE

G GENERAL EXHIBITION
PGR PARENTS GUIDANCE REQUIRED
AO ADULTS ONLY

YU SAVE OLSEM DISPELA PISIN EM I BILONG PAPUA NIUGINI?

NA YU SAVE TU OLSEM LAKI "THE LOTTERY" EM I BILONG PAPUA NIUGINI TU?

Olsem na Laki Lottery i kisim dispela naispela na smatpela pisin olsem mak bilong en.

Ol pipel bilong Papua Niugini, bungim "Laki" dispela LAKI pisin.


Long 1988 "Laki" bai bringim ol nupela Loteri Tiket i gat ol bikpela prais moa na ol nupela pilai.

"Laki" bai stap long ol posta, tiket, long ol niuspepa na redio na sapos mipela i laki bai em i kamap tu long televisen. Putim ai long "Laki" bikos em bai bringim gutpela nius i kam long Laki na tu bai bringim gutlak long yu.

"Laki i tok: "go na kisim LAKI tiket bilong yu tude bikos em i save i gat planti Mazda 4 x 4 long winim long dispela "Strongpela 4 x 4" gem. Lukaut nogot yu wanpela laki wina!!


"Laki" i save tu olsem:

Yu mas kisim "GO LAKI" tiket bilong yu NAU sapos yu laik winim K10,000 na go insait long resis bilong winim K25,000 Supa Dro wantaim FRI TIKET bilong yu.



na dispela "GO LAKI i luk olsem:

Tasol "Laki" i gat sampela moa tok save. Long dispela Bikpela Liklik Laki gem bilong "Laki" i tok yu inap winim mani i 50 toea antap long mak bilong K5,000 na dispela tiket i luk olsem:



Dispela pisin husat inap long bringim gutlak long yu i tok olsem sapos yu laik kamap laki orait yu mas kisim LAKI. Yumi olgeta i save wanem ples yu ken painim LAKI.

Yu ken baim LAKI long wanem hap yu lukim dispela mak.



"Laki" i laik tok save long yupela long tok tenkyu long ol ejen, stua na wanem ples husat i salim ol LAKI tiket. Yu ken soim amamas bilong yu long taim yu go baim ol samting long dispela stua.

No ken lusim ting olsem dispela Loteri bilong PNG, LAKI, i helpim yu long helpm komyuniti bilong yu na yu yet.

MAMOSE LOTTERY AGENTS

A. WEST SEPIK

1. Garamut Enterprises

B. EAST SEPIK

1. Tang Mow

C. MADANG

1. Madang Pharmacy

2. Redscar

D. MOROBE

1. Anderson's Foodland
2. Krango Lottery Promotion
3. Difco - Igam
4. Donna Harvey Hall
5. Peter Wan
6. Pine Lodge Hotel
7. Ramu Trading



Get LAKI Today



PACIFIC NEW GUINEA LINE PTY. LTD.

**Mipela i laik tok....
tru tumas, KRIS em i
NAMBAWAN. Em i bikpela
na i save ran hariap na i namba
wan sip tru bilong karim ol pasindia
insait long kantri.**

Em i gat bikpela ples bilong sindaun malolo we i gat kolwin. I gat wanpela fultaim nes i stap long lukautim ol pasindia.

Pe bilong mipela long fes klas namel long Lae, Kimbe, Bialla, na Rabaul long olgeta wik em i daunbilo tru. Mipela i gat gutpela pe tu bilong karim olkain kago. Na i gat 3 kubik mita kontena ol 20 fut kontena na 9 mita na 20 fut rifa kolrum na frisa. Mipela i gat bikpela RORO pletfom bilong draivim ol kago olsem ol liklik ka i go inap long ol bikpela trak na dosa.



**PACIFIC NEW GUINEA
LINE PTY. LTD.**

**RABAUL: P O BOX 1764
TEL: 92 3024
TELEX: 92830**

**KIMBE: 93 5365, 93 5399
BIALLA: 93 1014**

**LAE: P O BOX 2192
TEL: 42 1780, 42 1990
TELEX: 44223**

BIPO BIPO long taim bilong ol tumbuna i gat wanpela manki i save stap wantaim mama bilong em.

Nem bilong dispela manki em Gelam na nem bilong mama bilong em i Usar. Ol tupela i save stap long ples Bulbul long Moa ailan. Em wanpela ailan long Torres Stret namel long Australia na Westen provins.

Long taim Gelam i stap liklik yet em i no gat planti wari bikos em i stap amamas tasol wantaim mama bilong em. Tasol long taim em bikpela em i lukim olsem em na mama bilong em tasol i save stap. Em i no gat papa na mama bilong em tu i no save toktok long papa bilong em.

Orait wanpela de em i askim mama bilong em, "Papa bilong mi i stap we?"

Painim papa

Mama i harim na em i bekim olsem na i no save papa bilong Gelam i stap long wanem hap tru. Gelam i harim olsem na i stat long tingting planti. Tingting bilong em i strong tru long go painim papa bilong em.

Em nau Gelam i go daun long nambis na painim wanpela naispela hap diwai na em i stat long sapim wanpela bulmakau long solwara. Em i sapim dispela diwai i go i inap dispela kaving bilong em i pinis na luk nais tru olsem wanpela bulmakau bilong solwara tru.

Long taim dispela kaving i redi nau Gelam i pulim i go daun long solwara na em i sindaun antap long en na swim i go aut long biksolwara. Em i swim i go i inap em i kamap long Mer ailan wanpela narapela ailan gen long Tores Stret.

Gelam i kamap long ailan ya na em i pulim dispela kaving tu i go antap long nambis na em i sindaun kisim win i stap. Tasol dispela kaving ya i gat pawa bilong en yet ya na em inap long toktok.

Long taim ol i sindaun long nambis kaving ya i tokim Gelam olsem haus bilong papa bilong em i stap klostu na em i mas go hariap long dispela haus. Orait Geram i harim tok bilong dispela kaving na em i kirap wokabaut i go stret long haus bilong papa bilong em.

Olgeta manmeri i slip indai na ol i no harim em i kam kamap. Em i go insait long haus na em i go

Mama i wari long pikinini na tanim kamap ston

stret long namba wan rum long haus. Em i lukluk i go insait long rum na em i lukim tupela susa i slip i stap. Orait em i go na slip namel long ol.

Gelam i slip

Long nait wanpela susa i kirap na em lukim Gelam i slip i stap. Em i pret na kirapim narapela susa bilong en na askim, "Em husat man i kam slip namel long mitupela ya? Em i longpela man tru ya."

Gelam i harim ol susa ya i toktok na em i kirap na tokim ol, "Yupela i no mas pret. Mi brata bilong yutupela."

Tasol tupela susa i no bilip. Ol i bekim tok bilong Gelam na tok, "Yu giaman, ya! Yu no brata bilong mitupela. Yu longpela man tru na mitupela i sotpela."

Brata tru

Gelam i strong yet na tokim tupela meri ya olsem em i brata tru bilong tupela. Ol i wok long toktok i stap na tulait i bruk. Long moning nau tupela susa ya i kirap i go tokim papa bilong ol

long Gelam. Papa bilong ol tu i kirap nogut na tokim ol tupela meri ya long go kisim Gelam i go bai em i inap long lukim em.

Long taim Gelam i kamap papa bilong em i luksave na em i kirap i go holimpasim em. Na i askim Gelam long mama bilong em. Gelam i bekim na tokim papa bilong em olsem mama i stap orait tasol long Moa ailan.

Go bek

Orait papa i tokim Gelam, "Yu go bek long Bulbul na kisim mama tu i kam bai yumi olgeta i stap long dispela ples.

Gelam i harim tok bilong papa bilong em na long dispela de yet em i go bek long Moa ailan long kisim mama bilong em. Em i kalap long dispela kaving bilong em na swim i go kamap long Moa ailan na em i wokabaut i go long haus bilong mama bilong em.

Em i kamap long haus na lukim mama

bilong em Usar i sindaun i stap. Na em tok, "Mama mi go na painim papa pinis. Em i stap long Mer ailan. Na em i salim mi kam bek long kisim yu na bai yumi go stap wantaim em."

Tasol mama bilong em i kros na tok, "Mi no inap tru long go stap wantaim papa bilong yu. Em i lusim yumi long taim yu liklik yet na i no tingim moa olsem na watpo bai mi go stap wantaim em nau."

Tokim mama

Gelam i strong na tokim mama bilong em olsem papa i laikim tru bai mama i mas go long Mer ailan. Tasol Usar i no laik tru na em i tokim Gelam, "Yu laik go orait yu wanpela i ken go. Mi no inap tru lusim ailan bilong mi."

Gelam i lukim olsem mama bilong em i no laik tru long bihainim em i go bek long ples we papa bilong em i stap nau.

Em i toktok i go i go na em i givap olgeta.

Na em tokim mama bilong em, "Sapos yu no laik kam wantaim mi, orait bai mi wanpela i go bek stap wantaim papa."

Gelam i tok olsem na em i go daun long nambis na kalap long dispela kaving bilong em na stat long swim i go aut long solwara nau. Mama bilong em Usar i lukim olsem na em i kirap ran bihainim em i go daun long nambis na tokim em long no ken go. Tasol Gelam i no harim tok em i tingting long go bek long papa bilong em.

Mama i krai

Mama i krai na singaut wantaim na bihainim em i go insait long solwara. Tasol Gelam i givim baksait na em i swim i go nau long Mer ailan. Mama i no wari long solwara em i wokabaut i go yet na krai na singaut long Gelam i mas kam bek.

Mama i sanap krai i stap inap Gelam i go lus olgeta long biksolwara. Em i sanap yet i stap na haiwara i wok



TUMBUNA STORI



Na long taim solwara i karamapim em meri ya Usar i tanim na kamap ston. Dispela ston i sanap yet long dispela hap na ol pipel bilong Moa ailan i bilip dispela ston em Usar tasol husat i wok long krai yet long pikinini bilong em Gelam.

Dispela stori tumbuna em i bilong nambis bilong Westen provins na ol pipel bilong Torres Stret ailan long Australia. Grace Ware bilong Saint Paul's Stesin long Moa ailan, Torres Stret na Kobeda Kare bilong Masingara Viles, Westen provins i raitim dispela stori tumbuna.

long kam bek nau tasol em i no wari, em i sanap krai yet i stap. Wara i kam antap long namel bilong em na i go antap long solda bilong en na nek bilong em tasol em i sanap yet i stap.

Em nau solwara i karamapim em olgeta.

STUDY THESE FIGURES. THREE OF THEM DO NOT HAVE A DOUBLE. WHICH THREE? Mark them with a x.



Lep i go long rait

- 1. Wanpela ples insait long Lae siti.
7. Ples we wara i save ran.
10. Ples bilong katim timba.
11. Namba wan televisen stesin long PNG.
12. Planti pipel long nambis i save

- 15. Yau.
16. Man i statim Wantok Niuspepa.
17. Pati em Tony Siaguru i go pas long en.
19. Painap.
21. Wanpela marasin bilong wasim ol klos.
23. Bikpela pe tumas.
24. Ol rop bilong diwai i stap log dis-

- pela hap.
26.Kanawi em i bos bilong ol pablik sevan.
28. gel pren.
30. Tenkyu
31. Bilong wokim kaikai i swit.
32. Ples we bos bilong kampani i save sindaun na wok.
34. Top
36. Wanpela saveman

SKRUIM TOK

- bilong Wes Irian husati dai pinis.
37. Not, Saut,na Wes.
38. Man i no inap harim gut tok sapos em i
42. Ol raskal i save bihainim.....
45. Long taim bilong Krismas planti pipel i save wokim dispela.
46. Long taim yumi no save gut sapos wanpela samting i tru bai yu tok olsem.

- save laitim dispela long taim bilong lotu.
14. Yui orait? (long Tok Motu)
18 Batimias em i
inap Jisas i oraitim em gen.
20. Tul bilong katim gras.
22. Dispela man i save kisim mani long ol pasindia long ol PMV.
25. Dispela kaikai i luk olsem sop.
28. Kanda
29. Wanpela kain pis.
33. Namba wan gavman opisa i bosim

- wanpela stesin.
35. Wanpela ragbi klap long Mosbi.
39. Pos Opis
40. Wanpela rot bilong givim marasin long sikman.
41. Wanpela sios long PNG.
42. Praim Minista i save raitim nem bilong em olsem.....
Hon. Paias Wingti MP.
43. Yu (long Tok Motu)
44. Samting bilong dring long moning.

Antap i go daun.

- 2. Long sampela ples long Hailans ol man i bilas olsem yet.
3. Ol ka i save long rot.
4. Moningtaim.
5. Pisin ya i mak bilong kantri Nu Silan.
6. Tok welkam long tok ples bilong ol Hawai.
7. Strongpela rop.
8. Ol lain i save lukautim ol enimal.
9. Ol bikpela ka.
11. Ol muli diwai i gat dispela samting i pulap long ol.
13. Sampela sios i



WANTOK



Mosbi indo soka strong yet

WANPELA spot i wok long pulim planti ol soka pilai long Mosbi em Indo Soka. Dispela spot i save kamap long olgeta Sarere na Sande.

Sekreteri bilong Pot Mosbi Indo Soka. Dispela spot i save kamap long olgeta Sarere na Sande. Sekreteri bilong Pot Mosbi Indo Soka Joe

HENRY MORABANG i raitim

Nalapan i tok dispela yia sisen i sot tru bikos sisen propa bilong soka bai stat long Januəri 20.

Mista Nalapan i tok las yia MPIS i gat 24 tim olgeta. I gat 18 tim bilong ol man na 6-pela tim bilong ol meri. Tasol long dispela yia i gat 18 tim tasol we 12-pela bilong ol man na 6-pela tim bilong ol meri i stap yet.

Em i tok las yia i gutpela yia tru bilong ol Ex Intenesenel. Ol i winim primiasip na Nomads i winim Lig Sempion. Na long kik bilong ol meri Yuni-

vesiti i winim premi-asip na Lig Sempion wantaim.

Mista Nalapan i tok dispela yia ol i wok long pilai yet na i nogat wanpela ma i save husat tru bai win.

Presiden em Steven Oli, Vais President em Robert Popat, Sekreteri em Joe Nalapan na Tresera Jennifer Popat.

Hia em ol skoa bilong las wik PNG Veteran 12 d Murat 6 Nomads 12 d Presa Daun 1, Lovong 7 dro ANZ 7, Haus Bilas 10 d Sunam.

Soka kosa i tok tenk yu long PNG

• NESENEL Soka Kosa Kisakiu Posman i toktok wantaim *Wantok* ripota Henry Morabang long PNG soka tim i go long Saut Pasifik gems long Noumea, Nu Kaledonia las yia.

NESENEL soka kosa Kisakiu Posman i givim bikpela tok tenk yu long olgeta manmeri husat i givim sapot long PNG tim long go stap long Saut Pasifik Gems.

Em i tok PNG i winim wanpela medal long hatwok bilong

olgeta pilaia husat i stap insait long dispela tim.

Mista Posman i tok em i longpela stori tru olsem na bai em i stori tasol long wanem ol kain stail i mekim na PNG i win na wanem ol pilaia i strongim dispela tim bilong PNG.

Papua Niugini i gat



PNG nesanel soka tim husat i winim brons. Na i no dispela tasol no gat. Taim ol i laik pilai ol i save pulim planti manmeri tru bikos PNG em i stail tim stret long Saut Pasifik. Kosa Kisakiu Posman i sanap long (lephan). Sori tru namba tu bilong em Robert Popat i no stap insait long poto. Poto Henry Morabang

Mosbi softbal dro

Ol Man

SARERE 16 JANUARY 1988

Taim	Gret	Tim v Tim	Ampaya
DAIMON 1			
10.30	A	Fuji v HAWKS	F.Diap
12.00	A	Delight v Gazelle	J.Soa
1.30	A	Malangan v Elkorn	W.Wartovo
3.00	A	H.NGI v Mazda	L.Paivu
4.30	A	Karanas v Eagles	R.Rolley
DAIMON 4			
10.30	D	Chebu v Manalos	Aviat
12.00	D	Aviat v Fuji	Manalos
1.30	D	D.Sale v Columbus	Fuji
3.00	D	Gazelle v ESA	Columbus
4.30	D	Dodgers v Bargam	ESA

SANDE 17 JANUARY 1988

Taim	Gret	Tim v Tim	Ampaya
DAIMON 1			
10.30	B	NGI v Gazelle	C.Hopkins
12.00	B	Bodiam v Yokomo	N.Tata
1.30	B	Manalos v Mazda	J.Kaptigal
3.00	B	Elcom v Malangan	N.Simba
4.30	B	Chebu v Aviat	P.Filipo
DAIMON 4			
10.30	C	Aviat v Columbus	Eagles
12.00	C	Hawks v Eagles	Aviat
1.30	C	Uni v Bomana	Hawks
3.00	C	Karanas v Fuji	Bomana

rot na ol stail bilong pilai. Ol wan wan man husat i save pilai soka i gat stail bilong ol yet. PNG i no olsem ol arapela kantri bilong soka olsem Englan, Brasil, Arjentina, na Saudi Arabia.

Mista Posman i tok long taim ol i laik long makim tim bilong PNG long SP Gems, planti ol man na pilaia na kosa i bin autim tingting bilong ol long dispela tim.

Em i tok em wantaim namba tu kosa Robert Popat i bin pilai na em i kepten tu bilong tim.

Arapela tupela man bilong pait long kisim bal em Martin Laviong na George Hatsire. Dispela tupela midfil i save pait strong olgeta

taim long traim bagarapim sans bilong ol birua tim long bringim bal i kam long eria bilong PNG.

Laviong na Hatsire i save ritim gut gem tu na planti taim tupela i save setim bal bilong ol straika bilong PNG.

Posman i tok planti olgeta pilaia i ken ritim gem na kamapim ol sans long sutim gol.

Em i tok stat long beklain na i go antap long franlain PNG i gat ol gutpela pilaia. Joe Turia na brata bilong em Toru na Adam Lema na Paul Savo, i save ritim gut gem long taim ol i pilai.

Insait long midfil, Geoffrey Emang na Joe Saleu i holim tru stia bilong PNG tim.

Saleu i winin Emang bikos em i sevis long Popat i gat arapela we long makim ol pilaia. Em i tok tupela i lukluk long ol pilaia husat i ken ritim gem long taim ol i pilai.

Nau dispela tim bilong SP Gem las yia i gutpela tru bikos makim fainal skwat. Na planti toktok i bin kamap long dispela taim.

Posman i tok em wantaim Robert man bilong PNG i save pilai soka i laik tim bilong ol i mas gat stail. Planti i no save wari tumas long gol.

Em i tok PNG i gat gutpela as long winim medal. Namba wan samting tru ol pilaia i givim olgeta taim na laik bilong ol i go insait long soka.

Arapela samting tu

pasin bilong ol pilaia i senis tru bikos long taim bilong trening olgeta pilaia i save harim tok.

Posman i tok amamas tu long namba tu kosa long kamapim gutpela wok bung wantaim Tim Menesa Andrew Waho na olgeta arapela bikman bilong soka.

Posman i tok, tim menesa Waho i bin redim olgeta samting na olgeta pilaia i save redi wan wik bipo long ol samting i kamap. Na dispela i gutpela tru na ol pilaia i save redi long taim wanem samting i kamap long progrem bilong ol.

Em i tok em i namba wan taim tru PNG nesanel tim i kisim gutpela helpim long trening. Bikpela tok

tenk yu i go long Embesi bilong Jemani.

Posman i no lusim ting long ol olupela intenesenel pilaia husat i helpim tru ol yangpela na nupela pilaia. Na las tru long olgeta meri bilong ol pilaia na Haus Bilas na Fairdeal long givim bikpela sapot long dispela tim.

PNGFA bai redim wanpela tim bilong go pilai insait long Solomon Ailan long amamasim Indipendens De bilong ol.

Mista Posman i tok em i harim tu olsem ol tim bilong Vanuatu, Tahiti, Nu Kaledonia na ol arapela kantri bai go amamasim dispela de wantaim ol pipel bilong Solomon Ailan.

Morobeen

- Biscuit makers to P.N.G.

WANTOK SPOT

1988 spot kalenda bilong Papua Niugini

EM i nupela yia nau na i gat kain kain bikpela pilai bai kamap bihain long ol tim i malolo.

Papua Niugini Futbol Asosiesen ba statim Benson & Hedges Nesanel Soka Klap sempionsip long Ista wiken. Na long mun Jun bai Nesanel Wimens Soka sempionsip i kamap.

Long mun Septemba Nesanel Mens soka sempionsip bai kamap. Na long mun Novemba bikpela kik bilong Benson & Hedges soka klap sempionsip bai kamap.

Orait lukim gut nogut ol rita bilong Wantok i paul. Dispela Benson Hedges Soka klap sempionsip i kamap long Ista em bilong ol klab

we Benson & Hedges Sigaret kampani givim sponsa.

Na dispela kik long Novemba em bilong ol klab husat i win insait long ol wan wan asosiesen insait long kantri. Sempion klab bilong wan wan asosiesen tasol bai stap insait long dispela sempionsip.

Long mun Septemba bai tupela sempion tim bilong wan wan rijen bai traime bun long Lae.

Hia em nem bilong ol tim; Nesanel Kapitel na Mosbi bai makim Sauten rijen, Lae na Morobe Kantri bai makim Noten rijen na Arawa na Rabaul bai makim Niugini Ailan rijen na Mt Hagen na Kainantu bai makim Hailens rijen.

Dispela nupela rot

bilong pilai long rijen i kamap insait long faiv yia developmen plen bilong PNGFA long wok bilong soka.

Tupela spot, Boksing na Wetlifting i bin kisim bikpela helpim tru long Olimpik Solidarity Kos las yia. Bikpela tok tenyu i go long Nesanel Spots Institut long kirapim dispela kain ol kos.

Dispela tupela spot i bin winim planti medal long Saut Pasifik Gems. Wetlifting na Boksing i rekim stret ol medal long helpim namba bilong medal bilong PNG.

Dispela tupela spot i wok long redi long salim tim bilong ol i go long Mini Saut Pasifik Gems long Tonga.

Man i go pas long lukautim Wetlifting

Jacob Iwila i tokim Wantok olsem em i redi long salim wanpela tim long go stap insait long Tonga.

Em i tok las yia long Noumea, PNG tim i no bungim strongpela birua long wetlifting. Ol i winim ol medal isi tasol na dispela i no gutpela.

Long Boksing, PNG i wok long redi nau long salim wanpela tim long go pait long Osenia taitel long Tahiti. Dispela pait bai kamap long mun Julai long dispela yia.

PNG tu bai salim wanpela tim i go long Olimpik Gems. Ol bai makim, ol boksia bihain long nesanel taitel long Mosbi long Kwins Betde.

Seketeri bilong Papua Niugini Ameta Boksing Yunion



• David Noifa bai pilai ragbi gen. Olsem na husat i bosim posisen bilong senta long Kumul i mas was gut, no gut yu bai nogat sans long go long Nu Silan na Australia long dispela yia.

Manoa Petueli i tok ol bai salim 7-pela boksia tu i go resis long King Kap long Bangkok. Dispela pait bai kamap long mun Epril.

Tasol PNGBU bai i no inap salim wanpela tim long go long Taipei. Pait bai stat long 25 Januери na pinis long 28 Januери.

Dispela yia ating gutpela yia stret bilong Papua Niugini Netbal Federesen.

Presiden bilong Netbal, Emily Taule i tok dispela yia ol bai skruim ol wok bilong las yia long strongim ol junia kompetisen na ol intenesenel na nesanel kompetisen.

PNGNF bai go het long strongim wok bilong Nesanel Kosing Akriditesen Skim (National Coaching Accreditation Scheme). Nesanel Kosing Dairekta bilong Netbal Jan Waddy bai go aut long ol provins long holim ol kos.

PNG bai makim wanpela tim long pilai long Wol Yut Kap sempionsip long Kanbera, Australia long Mun Julai.

Bikpela resis bilong ol netbal bai kamap long Madang long mun Septemba long Indipendens wiken. Bipo sempionsip i save kamap long mun

Jun tasol nau PNGNF i givim taim tu long ol liklik senta long redi long stap insait long dispela sempionsip.

Dispela yia bai i no gat intenesenel kompetisen bilong ol bikpela meri.

PNG Ameta Atletik Asosiesen i wok long redi tu long salim wanpela tim i go long mini Saut Pasifik gems long Tonga neks yia.

Tasol lukluk bek long las yia, ol i bin kamapim bikpela wok tru long winim planti medal. Tom Brandt man i go pas long dispela wok i tok em i amamas.

Madang sot long mani bilong ol spot kos

MADANG Spots na Rekriesen opis nau bai i no inap holim ol 23 kos bilong ol spot em i tingting long ranim.

Provinsal Spot opisa Joe Buka i tokim Wantok olsem ol bai i no inap holim kos bikos i no gat mani.

Em i tok dispela yia Madang gavman i givim K7,000 tasol long lukautim wok bilong spot insait long provins. Dispela mani i K3,000 aninit long mani ol i save kisim long olgeta yia. Mani bipo Spot Opis i save kisim em inap long K10,000.

Mista Buka i tok dispela mani em i bilong lukautim wok bilong em long opis, ranim ol spot kos, na tu lukautim gut ol pablik spot graun gavman i save lukautim.

Tasol nau long dispela yia mani i sot olsem na ol bai ranim tupela kos tasol. Dispela tupela kos em Netbal Refering na Ampai na tu Sofbal Refering na Ampaia. Dispela ol kos bai kamap long Madang.

HENRY MORABANG i raitim

Mista Buka i tok kos bilong Netbal bai kamap long 8 Februери na pinis long 13 Februери. Na Sofbal Kos bai ran long 8 Ogas na pinis long 12 Ogas.

Em i tok long kisim ples bilong dispela 23 kos, Madang Spots opis nau i tingting long kamapim 6-pela kos tasol. Dispela ol Spot kos bai kamap long 6-pela distrik insait long provins.

Ol dispela distrik em Bogia, Karkar, Madang, Apa Ramu, Midel Ramu na Rai Kos. Ol Spot opisa bai i go insait long wan wan distrik long ranim ol dispela kos.

Mista Buka i tok tu olsem nau ol spot meri o pilai insait long provins i laik stap long dispela Netbal Kos i mas kisim kwik ol toksave pepa long em long Madang Spot Opis. De bilong kisim nem bai pas long 4 Februери.



• Wanpela stail man bilong ol lapun bilong Plis Hetkota tim i kisim bal na abrusim ol lain bilong ol lapun bilong Gordons. Plis hetkota i bin winim dispela pilai.

Ragbi kalenda bilong 1988

LAS YIA nesanel ragbi tim Kumul i bin go raun long hap bilong Yurop inap 5-pela wik olgeta na ol i bin pilai long Ingran na Frans.

Long dispela yia 1988 Kumul tim bai go long Australia na Nu Silan. Ol bai raun long tupela kantri ya inap long 5-pela wik olgeta.

Daunbilo em lista bilong ol nesanel na intenesenel kompetisen em Kumul bai pilai long en.

April 30-Me 1	Namba wan raun bilong Zone sempionsip (Lae)
Me 22	PNG v Great Britain (Port Moresby)
Me 24	Hailans/Noten v Great Britain (Lae)
Jun 11-13	Namba tu raun bilong Zon sempionsip (Mosbi)
Jun 25	Kumul bai lusim PNG long go pilai long Australia na Nu Silan
	NU SILAN
Jun 29	PNG v Northlands (Whangarei)
Julai 3	PNG v Minlands (Tokoroa)
Julai 5	PNG v Waikato (Huntly)
Julai 10	PNG v Nu Silan (Auckland)
	AUSTRALIA
Julai 16	PNG v Riverina (TBA)
Julai 20	PNG v Australia (Wagga)
Julai 24	PNG v Sentral Kos (TBA)
Julai 27	Australia v Rest of the Wol
Septemba 11-Oktoba 2	Cambridge Cup (*provisional).

Taim bilong ragbi tas long Mosbi

Ol Poto Ian Kakarere



• Bulldogs meri tim long Gerehu wimens kompetisen.



• Bulldogs 'B' Gret tim bilong Gerehu tas kompetisen.



• Ol Bulldogs sapotas long "gren sten" bilong Gerehu Spot Senta.



• Ol meri long Raiders wimens ragbi tim. Kosa long dispela tim John Peter i sanap wantaim ol pilaia.



• Bulldogs A Gret, ol i top tim long Gerehu Tas Kompetisen.




• Gerehu Raiders long Gerehu Stej 3. Bulldogs i bin krungutim ol 16-4 insait long sosal gem long Sarere.

WANTOK


NIUSPEPA BILONG PAPUA NIUGINI STRET

SPAK MIKE


TARANGU MIKE OL
KARIM EM I GO
LONG HAUS SIK...



LONG HAUSSIK OL
DOKTA KATIM
GRAS BILONG
EM...



TARANGU TAIM EM I
PINS LONG HAUSSIK
EM NA LAW BILONG
EM GO STAP WANTAIM
OL WANTOK.



LONG WAN WIK BIHAIN
MIKE I SALIM MERI I GO
KISIM PE BILONG EM...



MAN BILONG MI
SALIM MI IKAM
LONG KISIM PE.

SORI TRU!
EM I NO
PUTIMSIK LIV
LONG PEPAL!

OL ELKOM IKAM NA
KATIM PAWA BILONG
OL LAW
WANTOK...



EM
NAU!!
NOGAT MOA
PAWA LONG
HAUS YA!!

NAU WANTOK BILONG
MIKE I KIRAP NA RAUSIM
MIKE WANTAIM FAMILI
BILONG EM..



GERAUT LONG
HAUS!! YUPELA
NO HELPIM MI
NA OL KATIM
PAWA!! G*!!

I GO MOA
INEKS WIK!

GOODYEAR

The Choice of Champions

CALL FOR THE BEST PRICES
WITH BEST SERVICE
AND HAVE A GOOD YEAR
WITH GOODYEAR.

GOROKA
Ph: 72 1848
Al's Auto Repairs
Pty. Ltd.

MADANG
Ph: 82 2433

LAE
Ph: 42 1144

RABAU
Ph: 92 2757
92 2777


MT HAGEN
Ph: 52 1715

POPONDETTA
Ph: 29 7175

PORT MORESBY
Ph: 25 5255

ARAWA
Ph: 95 1566
95 1516

ALOTAU
Ph: 61 1167
Milne Bay
Enterprises



BOROKO MOTORS

•PORT MORESBY PH 25 5255 • LAE PH 42 1144 • RABAU PH 92 2777 • MT HAGEN PH 52 1715 • MADANG PH 82 2433
•TARUHI PH 58 1111 • ARAWA MOTORS PH 95 1566 • HIGATURU MOTORS PH 29 7175

COLOR USED

REBO

KOSA BILONG EM I HATIM EM NOGUT TRU..

HUSAT I TOK!! EM WARI BILONG YU!!

TARANGU OL PLIS I KIRAP NA LOKIM REBO LONG RUM GAT...

REBO I PRET NOGUT TRU NA KRAI LONG RUM GAT...

LONG NAIT OL PLIS MAN KARIM KAIKAI BILONG REBO I KAM...

REBO. HIA KAIKAI BILONG YU!

MAN REBO BIKMAUS NA TROMOI KAIKAI...

AIYA!! LEK BILONG ROK ROK YA!

TARANGU REBO I NO KAIKAI NA SLIP... LONG NAIT EM DRIMAN LONG PLES...

I GO MOA NEKS WIK!!

GOODYEAR

The Choice of Champions



TIMBER KING
LOGGING & HAULING TRUCK TYRE




G291
UNISTEEL HIGHWAY RADIAL TRUCK TYRE



G186
UNISTEEL ON/OFF ROAD RADIAL TRUCK TYRE



HI-MILER
G8 HIGHWAY TYRE



G100
ON/OFF ROAD TRUCK TYRE

PIKIKI




See the complete line of over-the-road truck tyres by Goodyear.




WRANGLER.
THE ALL PURPOSE 4WD
RADIAL TYRE

NCT




GRAND
PRIXS
70



6800
GRAND
RALLY

FABRIC BELTED
RADIAL




BOROKO MOTORS

•PORT MORFSBY PH 25 5255 •LAF PH 42 1144 •RABAUL PH 92 2777 •MT HAGEN PH 52 1433 •MADANG PH 82 2433
•TABUBI PH 58 3311 •ARAWA MOTORS PH 95 1566 •HIGATURU MOTORS PH 29 7175

USED

RED SPOT!



TRADITIONALLY THE NAME
ASSOCIATED WITH PERFECTION
IN CIGARETTES
BENSON & HEDGES

STERLING

Special Mild



STERLING 25s



MENTHOL

VIRGINIA

SPECIAL MILD

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.